

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

Bosna i Hercegovina - Federacija Bosne i Hercegovine
Kanton Sarajevo - Grad Sarajevo
GRADONAČELNIK

PRIJEDLOG: 19. 02. 2017			
Općina / Grad	Općina / Grad	Općina / Grad	Općina / Grad
01-05-1463/17			J.P.

**ODLUKA O PLATAMA I NAKNADAMA
U ORGANIMA GRADA SARAJEVA
(Prijedlog)**

**Predlagač: Administrativna komisija Gradskog vijeća
Gradonačelnik Grada Sarajeva
Obrađivač: Gradska služba za opću upravu**

Sarajevo, septembar 2017. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; Fax: +387 33 208 341
e-mail: grad@sarajevo.ba; web: www.sarajevo.ba



EYOF 2019

Sarajevo & East Sarajevo

Na osnovu člana 58., 60., 61. i 62. Zakona o platama i naknadama u organima vlasti Federacije Bosne i Hercegovine ("Službene novine Federacije BiH", br: 45/10, 111/12 i 20/17), odredbi Zakona o plaćama i naknadama u organima vlasti KS („Službene novine KS“ broj 33/11) i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj: 34/08 - prečišćeni tekst), Gradsko vijeće Grada Sarajeva, na sjednici održanoj _____, donijelo je

(Prijedlog)

ODLUKU O PLATAMA I NAKNADAMA U ORGANIMA GRADA SARAJEVA

I - OSNOVNE ODREDBE

Član 1.

(Predmet regulisanja)

(1) Ovom odlukom uređuju se: pravo, visina i uslovi za ostvarivanje novčane naknade za vršenje funkcije gradskog vijećnika i pravo na druge naknade za materijalne troškove koji nastanu u vršenju funkcije gradskog vijećnika, odnosno u vršenju dužnosti člana radnog tijela Gradskog vijeća za:

- a) gradske vijećnike u Gradskom vijeću Grada Sarajeva (u daljnjem tekstu: Gradsko vijeće) za vrijeme vršenja vijećničke dužnosti;
- b) članove radnih tijela Gradskog vijeća.

(2) Ovom odlukom uređuju se i prava iz radnog odnosa, usklađuju se plate, platni razredi i koeficijenti za obračun plate sa Zakonom o platama i naknadama u organima vlasti Federacije Bosne i Hercegovine, druga novčana primanja i prava na naknade za materijalne troškove, te druga prava i naknade za:

- a) funkcionere koje bira i imenuje Gradsko vijeće: Predsjedavajući Gradskog vijeća i zamjenici predsjedavajućeg Gradskog vijeća, Gradonačelnik i zamjenici gradonačelnika Grada Sarajeva, gradski pravobranilac i zamjenik gradskog pravobranioca (u daljnjem tekstu: funkcioneri);
- b) savjetnike koje imenuje Gradonačelnik (u daljnjem tekstu: savjetnici).

(3) Ovom odlukom usklađuju se plate i naknade državnih službenika i namještenika u organima Grada Sarajeva i Pravobranilaštvu Grada Sarajeva u skladu sa Zakonom o platama i naknadama u organima vlasti Federacije Bosne i Hercegovine.

Član 2.

(Načela)

(1) Pri određivanju iznosa plata i naknada u organima Grada Sarajeva poštuju se načela utvrđena Zakonom o platama i naknadama u organima vlasti Federacije Bosne i Hercegovine.

(2) Ista plata za isto radno mjesto: prema ovom načelu zaposleni u organima vlasti koji obavljaju poslove istog radnog mjesta, odnosno iste ili slične poslove imaju pravo na istu osnovnu platu po vrsti i stepenu stručne spreme.

Član 3.

(Budžetsko osiguranje sredstava za plate i naknade)

Finansijska sredstva za plate, naknade i druga primanja lica iz člana 1. Odluke, planiraju se i osiguravaju u budžetu Grada Sarajeva.

Član 4.

(Način utvrđivanja osnovice za plate)

(1) Osnovica za obračun plata utvrđuje se odlukom Gradskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

(2) Pored osnovice za obračun plata prilikom obračuna plate koristit će se i bod za obračun plate koji se utvrđuje odlukom Gradskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

- (3) Utvrđivanje osnovice i bodova vrši se u pregovorima gradonačelnika sa sindikatom, a prije predlaganja, odnosno usvajanja odluke iz stava 1. ovoga člana.
- (4) Ukoliko se ne postigne dogovor iz stava (3) ovog člana, Gradsko vijeće će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće.
- (5) Prilikom utvrđivanja osnovice i boda za obračun plate iz stava (1) i (2) ovog člana uzet će se u obzir projekcije budžeta za narednu godinu, kao i kretanja GDP i indeksa potrošačkih cijena, a prema podacima Federalnog zavoda za statistiku.
- (6) Isplate mjesečnih novčanih primanja, izvršene u skladu sa odredbama ove odluke su definitivne i konačne.

Član 5.

(Elementi za utvrđivanje osnovne plate)

- (1) Osnovna plata utvrđuje se množenjem osnovice za platu i boda za obračun plate sa utvrđenim koeficijentom platnog razreda i tako utvrđen iznos uvećava se za 0,6 % za svaku započetu godinu penzijskog staža, a najviše do 20%.
- (2) Osnovna plata ne može biti manja od 70% prosječne neto plate isplaćene u Federaciji Bosne i Hercegovine prema posljednjem objavljenom statističkom podatku.
- (3) U slučaju da množenjem utvrđene osnovice i boda za obračun plate i pripadajućeg koeficijenta osnovna plata iznosi manje od 70% prosječne plate, zaposleniku će se isplatiti plata u navedenom postotku.
- (4) Osnovna plata obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.
- (5) Ukoliko zaposlenik radi s nepunim radnim vremenom, u skladu s posebnim zakonom ili drugim propisima, osnovna plata odredit će se srazmjerno vremenu provedenom na radu.
- (6) Puno radno vrijeme zaposlenih je 40 sati sedmično.

Član 6.

(Koeficijenti za obračun plata)

- (1) O visini koeficijenata za obračun plata iz ove Odluke odlučuje Gradsko vijeće, na prijedlog ovlaštenog predlagača u skladu s ovom Odlukom.
- (2) Administrativna komisija utvrđuje prijedlog koeficijenata za obračun plata i naknada za gradske vijećnike, radna tijela Gradskog vijeća, funkcionere i savjetnike funkcionera.

Član 7.

(Pravo na platu prema radnom mjestu)

Funkcioner, savjetnik, državni službenik i namještenik u organima Grada Sarajeva ima pravo na platu koja odgovara funkciji, odnosno radnom mjestu na koje je postavljen u skladu sa Zakonom, gradskim propisima i provedbenima aktima.

Član 8.

(Bruto i neto plata)

- (1) Plata se u organima Grada Sarajeva utvrđuju u bruto i neto iznosu.
- (2) Plata u bruto iznosu obuhvata neto platu, poreze i doprinose.
- (3) Iznos neto i bruto plate, kao i način obračuna plate, te redovne mjesečne naknade i odbici iz plate prikazuju se na mjesečnoj platnoj listi.

Član 9.

(Isplata plata)

- (1) Plata se obračunava za jedan mjesec unatrag, a isplaćuje za prethodni mjesec, u skladu sa važećim zakonom.
- (2) Plate iz stava 1. ovog člana, kao i svaka izmjena u visini plate, utvrđuje se rješenjem koja za državne službenike i namještenike donosi Gradonačelnik, a Pravobranilac za uposlene u Pravobranilaštvu Grada Sarajeva.

- (3) Funkcioneri koji dužnost obavljaju profesionalno u skladu sa Statutom Grada Sarajeva i savjetnici, imaju pravo na platu.
- (4) Plata iz stava 1. ovog člana, kao i svaka izmjena u visini plate za funkcionere utvrđuje se rješenjem Administrativne komisije.
- (5) Plata iz stava 1. ovog člana, kao i svaka izmjena u visini plate za savjetnike Gradonačelnika utvrđuje se rješenjem gradonačelnika.
- (6) Funkcioneri iz stava 3. ovog člana, pravo na platu ostvaruju stupanjem na dužnost, u skladu sa općim aktima Gradskog vijeća.
- (7) Gradonačelnik, pravo na platu ostvaruje danom imenovanja.
- (8) Savjetnici Gradonačelnika ostvaruju pravo na platu Rješenjem o postavljanju na radno mjesto.
- (9) Plata funkcionera koji dužnost obavlja profesionalno u skladu sa Statutom Grada Sarajeva, i savjetnika, kao i svaka izmjena u visini plate, utvrđuje se rješenjem.
- (10) Podaci o platama uposlenih u organima Grada Sarajeva su javni.

II - PLATE I NAKNADE FUNKCIONERA, SAVJETNIKA FUNKCIONERA I GRADSKIH VIJEĆNIKA U GRADU SARAJEVO

Član 10.

(Radno pravni status funkcionera)

Odluku o radno pravnom statusu Predsjedavajućeg Gradskog vijeća i zamjenika Predsjedavajućeg Gradskog vijeća donosi Gradsko vijeće na prijedlog Administrativne komisije, a na osnovu odluke Gradskog vijeća o izboru.

Član 11.

(Ostvarivanje prava iz radnog odnosa)

- (1) Funkcioneri i savjetnici prava iz radnog odnosa ostvaruju u organima Grada Sarajeva.
- (2) Administrativna komisija Gradskog vijeća donosi rješenje o zasnivanju radnog odnosa na osnovu odluke o izboru i odluke o radno pravnom statusu i to za: Predsjedavajućeg Gradskog vijeća, zamjenike Predsjedavajućeg Gradskog vijeća, Gradonačelnika Grada Sarajeva, zamjenike Gradonačelnika Grada Sarajeva, te Pravobranioca i zamjenika Pravobranioca.
- (3) Gradonačelnik donosi rješenje o zasnivanju radnog odnosa za savjetnika Gradonačelnika.

Član 12.

(Platni razredi i koeficijenti za plate funkcionera i savjetnika)

Utvrđuju se sljedeći platni razredi i koeficijenti za plate funkcionera i savjetnika:

Platni razred	Radno mjesto	Koeficijent
I	- Gradonačelnik	9,00
II	- Predsjedavajući Gradskog vijeća	8,50
III	- Zamjenici gradonačelnika, - zamjenici Predsjedavajućeg Gradskog vijeća	8,00
IV	- Gradski pravobranilac	7,20
V	- Zamjenik gradskog pravobranioca	6,50
VI	- Savjetnik gradonačelnika	6,00

Odjeljak A. Stalna mjesečna novčana primanja gradskih vijećnika

Član 13.

(Naknade gradskim vijećnicima i članovima radnih tijela Gradskog vijeća)

- (1) Vijećnicima u Gradskom vijeću, utvrđuje se pravo na mjesečnu naknadu za rad u Gradskom vijeću, kao i naknadu troškova, odnosno izgubljene zarade, tako što se osnovica za obračun plate, utvrđena u skladu sa Zakonom, množi sa koeficijentom 2.
- (2) Predsjedavajućem, zamjenicima predsjedavajućeg Gradskog vijeća Grada Sarajeva i predstavnicima gradskih vijećnika političkih stranaka, koji su članovi kolegija gradskog vijeća, utvrđuje se pravo za naknadu za rad u kolegiju gradskog vijeća, tako što se osnovica za obračun plate, utvrđena u skladu sa zakonom množi sa koeficijentom 0,30 i to za najviše dvije sjednice mjesečno.
- (3) Članovima radnih tijela Gradskog vijeća, utvrđuje se pravo na naknadu, tako što se osnovica za obračun plate, utvrđena u skladu sa Zakonom, množi sa koeficijentom 0.30, i to za najviše dvije sjednice mjesečno po radnom tijelu.
- (3) Članovima radnih tijela koji nisu gradski vijećnici pripada naknada iz stava (3) ovog člana ukoliko po pozivu prisustvuju sjednici Gradskog vijeća, a gradskom vijećniku koji je član radnog tijela ne pripada ova naknada.
- (4) Ukoliko gradski vijećnik ne ostvaruje po drugom osnovu, odgovarajuće socijalno osiguranje (zdravstveno i penziono), na njegov zahtjev i uz predočenu relevantnu dokumentaciju, tokom trajanja vijećničkog mandata ima pravo na refundaciju troškova socijalnog osiguranja (zdravstveno i penziono) iz sredstava Budžeta Grada Sarajeva.

Član 14.

(Isplata naknada)

Naknade iz člana 13. ove Odluke isplaćuju se mjesečno za prethodni mjesec, a na osnovu evidencije o prisustvu koju vodi Gradska Služba za Gradsko vijeće Grada Sarajeva.

Član 15.

(Umanjenje naknade zbog izostanka)

- (1) Član radnog tijela nema pravo na naknadu ukoliko izostane sa sjednice radnog tijela Gradskog vijeća.
- (2) Ukoliko, po osnovu pismenog ovlaštenja Kluba gradskog vijećnika, jedan gradski vijećnik mijenja drugoga u radu radnog tijela Gradskog vijeća, naknada pripada gradskom vijećniku koji prisustvuje sjednici radnog tijela Gradskog vijeća.
- (3) Iznos mjesečne naknade za rad u Gradskom vijeću umanjuje se za 10% za neopravdano odsustvovanje sa sjednice Gradskog vijeća.

Odjeljak B. Pravo na naknade gradskim vijećnicima, ostvarivanje prava, te druga prava funkcionera i savjetnika

Član 16.

(Pravo na naknade gradskim vijećnicima)

- (1) Gradski vijećnik, funkcioner i savjetnik ostvaruju pravo na naknadu materijalnih troškova koji proizilaze iz vršenja funkcije na koju su izabrani i pravo na naknadu troškova za službeno putovanje koji proizilaze iz vršenja funkcije na koju su izabrani ili se realizuje na osnovu odluke Gradskog vijeća kojom su određeni članovi delegacije.
- (2) Visina naknade za troškove službenog putovanja, dnevnica, naknada za smještaj, naknada za troškove prijevoza i ostale vrste naknada za službeno putovanje za gradske vijećnike, funkcionere i savjetnike, utvrđuju se na način kako je to utvrđeno za državne službenike u skladu sa važećim propisima u Federaciji Bosne i Hercegovine.
- (3) Funkcioner imenovan na funkciju u Gradskom vijeću ima pravo na prijevoz službenim putničkim automobilom.

(4) Funkcioner imenovan na funkciju u Gradskom vijeću ima pravo na plaćene troškove službene komunikacije, informiranja, reprezentacije i druge troškove nastale iz vršenja dužnosti funkcionera imenovanog na funkciju u Gradskom vijeću.

(5) Gradski vijećnik ima pravo na pomoć za potrebe liječenja u slučaju teške bolesti u skladu s Naredbom Federalnog ministarstva zdravstva o listi teških bolesti, odnosno teških tjelesnih povreda temeljem kojih se ostvaruje naknada za slučaj teške invalidnosti ili teške bolesti ("Službene novine Federacije BiH", broj 30/05), te u slučaju smrti gradskog vijećnika, odnosno člana uže porodice gradskog vijećnika i to kako slijedi.

U slučaju povrede na radu, teške bolesti ili invalidnosti gradskog vijećnika isplaćuje se jednokratna novčana pomoć, u visini od dvije prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.

(6) Utvrđivanje nastanka teške bolesti ili invalidnosti u svakom konkretnom slučaju vrši Komisija za kvalifikaciju bolesti javne zdravstvene ustanove sa kojom postoji sporazum o pružanju ove usluge organima Grada Sarajeva.

(7) Način i postupak ostvarivanja prava iz ovog člana, vrši se na način kako je to pravilnikom o platama i naknadama, u skladu sa pozitivnim propisima utvrđeno za državne službenike i namještenike.

Član 17.

(Pravo na naknade funkcionerima)

(1) Funkcionerima i savjetnicima pripada pravo na:

- naknadu plate zbog bolesti ili povreda,
- naknadu za troškove ishrane (topli obrok),
- naknadu za godišnji odmor i plaćeni dopust,
- naknadu za slučaj smrti, teške bolesti i invalidnosti,
- otpremnina,
- naknadu troškova za službeno putovanje,
- naknadu za prijevoz na posao i s posla za funkcionere koji ne ostvaruju pravo na korištenje službenog putničkog automobila.

(2) Naknade iz stava (1) ovog člana funkcioneri i savjetnici ostvaruju u skladu sa Zakonom o platama i naknadama u organima vlasti Federacije Bosne i Hercegovine ("Službene novine Federacije BiH", br. 45/10, 111/12 i 20/17).

Član 18.

(Nalogodavac za službeno putovanje)

Nalogodavac za službeno putovanje je:

- za Gradonačelnika, zamjenik Gradonačelnika ili predsjedavajući Administrativne komisije;
- za Predsjedavajućeg Gradskog vijeća, Gradonačelnik ili predsjedavajući Administrativne komisije ili zamjenik predsjedavajućeg Gradskog vijeća;
- za zamjenike Predsjedavajućeg Gradskog vijeća i članove radnih tijela, predsjedavajući Gradskog vijeća;
- za Pravobranioca Grada Sarajeva, predsjedavajući Administrativne komisije,
- za zamjenika Pravobranioca Grada Sarajeva i uposlene u Pravobranilaštvu, Pravobranilac Grada Sarajeva.
- za zamjenike Gradonačelnika i savjetnike, Gradonačelnik

Član 19.

(Druga prava)

(1) Administrativna komisija Gradskog vijeća donosi akt kojim se bliže uređuje pravo i uslovi za korištenje prijevoza službenim putničkim automobilom za funkcionere, pravobranioca Grada Sarajeva i savjetnike.

(2) Administrativna komisija Gradskog vijeća donosi akte kojima se uređuju prava funkcionera, Pravobranioca i zamjenika Pravobranioca Grada Sarajeva i savjetnika, na plaćene troškove službene komunikacije, informiranja i reprezentacije.

III - PLATE I NAKNADE DRŽAVNIH SLUŽBENIKA I NAMJEŠTENIKA U ORGANIMA GRADA SARAJEVA

Odjeljak A. Platni razredi i koeficijenti za plate državnih službenika i namještenika u organima Grada Sarajeva

Član 20.

(Platni razredi i koeficijenti za plate državnih službenika u organima Grada Sarajeva)

Utvrđuju se sljedeći platni razredi i koeficijenti za plate državnih službenika Grada Sarajeva:

Platni razred	Radno mjesto	Koeficijent
I	- sekretar organa uprave - rukovodilac Stručne službe gradonačelnika	6,50
II	- sekretar Gradskog vijeća - pomoćnik Gradonačelnika	5,70
III	- interni revizor - glavni inspektor - stručni savjetnik u Pravobranilaštvu Grada Sarajeva	5,20
IV	- šef Odjeljenja - šef Kabineta	4,60
V	- šef Odsjeka	4,50
VI	- gradski inspektor	4,30
VII	- stručni savjetnik	4,10
VIII	- viši stručni saradnik	3,90
IX	- stručni saradnik	3,70

Član 21.

(Platni razredi i koeficijenti za plate namještenika)

Utvrđuju se sljedeći platni razredi i koeficijenti za plate namještenika Grada Sarajeva:

Platni razred	Radno mjesto	Koeficijent
I	- šef unutrašnje organizacione jedinice (VSS)	3,20
II	- viši samostalni referent (VSS)	3,10
III	- viši referent (SSS) i VKV radnik	2,70
IV	- referent (SSS) i KV III i IV stepen	2,60
V	- pomoćni radnik i nekvalificirani radnik (NK radnik)	1,85

Odjeljak B. Dodaci na platu državnih službenika i namještenika

Član 22.

(Vrste dodataka na platu)

- (1) Državni službenik i namještenik ima pravo na dodatak na platu po osnovu posebnih uslova rada i po osnovu naknade za prekovremeni rad.
- (2) Dodatak na platu iz stava (1) ovog člana čini sastavni dio osnovne plate.

Član 23.

(Dodatak na platu po osnovu posebnih uslova rada)

- (1) Dodatak na platu po osnovu posebnih uslova rada pripada državnim službenicima koji obavljaju poslove inspektora i taj dodatak iznosi 20% od osnovne plate, što će se precizirati Pravilnikom.
- (2) Dodatak na platu za ostale poslove koji se vrše pod posebnim uslovima, određenim posebnim zakonom, može biti od 10% do 20%, što će se utvrditi posebnom odlukom.
- (3) Poseban dodatak iz stava (1) i (2) ovog člana obračunava se na osnovnu platu bez dijela plate po osnovu radnog staža i čini sastavni dio plate.

Član 24.

(Vrste naknada)

Državni službenik i namještenik ima pravo na naknade utvrđene u odredbama člana 25. do 39. ove odluke.

Član 25.

(Naknada za prekovremeni rad, rad u neradne dane, noćni rad i rad u dane državnih praznika)

- (1) U slučaju prekovremenog rada, rada u neradne dane, noćnog rada ili rada u dane državnih praznika, državni službenik i namještenik ima pravo na naknadu osnovne plate, razmjerno vremenu trajanja tog rada, uvećanom za postotak utvrđen kolektivnim ugovorom.
- (2) Visina naknade i uslovi za ostvarivanje naknade utvrđuju se pravilnikom o platama i naknadama, u skladu sa kolektivnim ugovorom.
- (3) Obračun naknade iz stava (1) ovog člana, vrši se od osnovne plate, bez dijela plate po osnovu penzijskog staža. Naknada iz ovog člana čini sastavni dio plate.

Član 26.

(Vrste naknada)

Državni službenik i namještenik ima pravo na sljedeće naknade koje nemaju karakter plate:

- naknada za ishranu tokom rada - topli obrok;
- naknada za prijevoz na posao i s posla;
- naknada na ime korištenja godišnjeg odmora - regres;
- naknada za službeno putovanje;
- naknada za bolovanje;
- naknada za slučaj povrede na radu, teške bolesti i invalidnosti;
- naknada za slučaj smrti i pravo na osiguranje od posljedica nesretnog slučaja;
- naknada za porodiljski dopust;
- plaćeni dopust;
- naknada za rad u komisijama koje se održavaju poslije isteka radnog vremena;
- otpremnina;
- naknada u slučaju prekobrojnosti.

Član 27.

(Naknada za ishranu tokom rada)

Državni službenik i namještenik ima pravo na novčanu naknadu za ishranu u toku rada (topli obrok), u visini 1% prosječne neto plate isplaćene u Federaciji Bosne i Hercegovine po zadnjem statističkom podatku. Naknada se neće obračunavati za vrijeme odsutnosti s posla.

Član 28.

(Naknada za prijevoz na posao i s posla)

(1) Državnom službeniku i namješteniku kome nije organizovan službeni prijevoz na posao i s posla, čije je mjesto stanovanja udaljeno najmanje 2 km od mjesta rada, pripada naknada za troškove prijevoza, u visini mjesečne karte gradskog, prigradskog i međugradskog saobraćaja.

(2) U međugradski saobraćaj spadaju mjesta koja su udaljena od mjesta rada do 70 km.

Član 29.

(Regres za godišnji odmor)

Državni službenik i namještenik ima pravo na naknadu na ime regresa za korištenje godišnjeg odmora u visini 50% prosječne neto plate isplaćene u Federaciji Bosne i Hercegovine po zadnjem objavljenom statističkom podatku. Pravo na regres ima svaki državni službenik i namještenik koji je u toku tekuće kalendarske godine ostvario pravo na godišnji odmor.

Član 30.

(Naknada za službeno putovanje)

(1) Državni službenik i namještenik ima pravo na naknadu za troškove službenog putovanja na području Federacije Bosne i Hercegovine, odnosno Bosne i Hercegovine, kao i za putovanja u inostranstvo, na koje se upućuje radi obavljanja službenih poslova i zadataka

(2) Visina i način ostvarivanja naknade iz stava (1) ovog člana utvrđuje se pravilnikom u skladu sa pozitivnim propisima i kolektivnim ugovorom.

Član 31.

(Naknada za bolovanje)

(1) Državni službenik i namještenik ima pravo na naknadu plate za vrijeme privremene spriječenosti za rad (bolovanje) do 42 kalendarska dana u visini njegove neto plate isplaćene za prethodni mjesec.

(2) Naknada plate za bolovanje preko 42 dana iz stava (1) ovog člana ostvaruje se po propisu Kantona Sarajevo kojim se uređuje naknada za ovo bolovanje, s tim da razliku do pune plate isplaćuje poslodavac.

Član 32.

(Naknada za slučaj povrede na radu, teške bolesti i invalidnosti)

(1) U slučaju povrede na radu, teške bolesti ili invalidnosti državnog službenika i namještenika ili člana njegove uže porodice isplaćuje se jednokratna novčana pomoć, u visini od dvije prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.

(2) Utvrđivanje nastanka teške bolesti ili invalidnosti u svakom konkretnom slučaju vrši Komisija za kvalifikaciju bolesti javne zdravstvene ustanove sa kojom postoji sporazum o pružanju ove usluge.

(3) Način i postupak ostvarivanja prava iz stava (1) i (2) ovog člana, utvrđuje se pravilnikom o platama i naknadama, u skladu sa pozitivnim propisima.

Član 33.

(Naknada za slučaj smrti i pravo na osiguranje od posljedica nesretnog slučaja)

(1) U slučaju smrti državnog službenika, odnosno namještenika njegovoj porodici se isplaćuju troškovi sahrane u visini od četiri prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.

- (2) Naknada iz stava (1) ovog člana isplaćuje se državom službeniku, odnosno namješteniku, i u slučaju smrti člana uže porodice državnog službenika ili namještenika.
- (3) Ukoliko u organima uprave Grada Sarajeva rade dva ili više članova porodice, troškovi sahrane iz stava (1) ovog člana isplaćuju se samo jednom zaposlenom članu porodice.
- (4) Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa.
- (5) Visina osiguranja po ovom osnovu određuje se prema polici osiguranja od posljedica nesretnog slučaja odnosno polici osiguranja od prirodne smrti.
- (6) Ugovor o osiguranju sa odgovarajućom osiguravajućom kućom zaključuje gradonačelnik za sve funkcionere, državne službenike i namještenike zaposlene u organima uprave Grada Sarajeva i Pravobranilaštvu Grada Sarajeva, u skladu sa Kolektivnim ugovorom.

Član 34.

(Definicija člana uže porodice)

Članom uže porodice državnog službenika ili namještenika, u smislu čl. 32. i 33. ove Odluke smatraju se: bračni i vanbračni drug ako žive u zajedničkom domaćinstvu; dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina, odnosno, do 26 godina starosti ako se nalaze na redovnom školovanju i nisu u radnom odnosu, a djeca nesposobna za rad, bez obzira na starosnu dob); roditelji (otac, majka, očuh, maćeha i usvojitelji); braća i sestre bez roditelja do 18 godina, odnosno, do 26 godina starosti ako se nalaze na redovnom školovanju i nemaju drugih prihoda, već ih korisnik naknade stvarno izdržava, ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uslovom da s njima žive u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.

Član 35.

(Naknada za porodijsko odsustvo)

Državni službenik i namještenik, za vrijeme porodijskog odsustva, ima pravo na naknadu plate prema propisima Kantona kojim se uređuje ova oblast, prema mjestu uplate doprinosa, s tim da se razlika do visine pune plate, kao i pripadajući porezi i doprinosi, isplaćuju iz Budžeta Grada Sarajeva.

Član 36.

(Plaćeni dopust)

- (1) Državni službenik i namještenik ima pravo na naknadu plate i to u visini svoje neto plate iz prethodnog mjeseca, za vrijeme korištenja plaćenog dopusta, koji traje do 30 dana.
- (2) Način i postupak ostvarivanja prava iz stava (1) ovog člana, utvrđuje se pravilnikom o platama i naknadama, u skladu sa pozitivnim propisima.

Član 37.

(Naknada za rad u komisijama)

- (1) Državni službenici i namještenici, kao članovi komisija koje se formiraju na osnovu rješenja gradonačelnika imaju pravo na maksimalnu mjesečnu naknadu za rad u komisijama, a čije osnivanje je predviđeno zakonom, i to do visine jedne i pol (1,5) osnovice iz člana 4. ove odluke, a koje se održavaju poslije isteka radnog vremena.
- (2) Visina naknade, iz stava (1) ovog člana, utvrđuje se rješenjem o formiranju komisije.

Član 38.

(Otpremnina)

Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plata isplaćenih u prethodnih pet mjeseci.

Član 39.

(Naknada u slučaju prekobrojnosti)

U slučaju prestanka radnog odnosa državnog službenika odnosno namještenika, zbog prekobrojnosti, taj državni službenik, odnosno namještenik, ima pravo na naknadu i to:

- za radni staž do 10 godina, u visini tri neto plate državnog službenika odnosno namještenika,
- za radni staž od 11 do 30 godina, u visini šest neto plata državnog službenika odnosno namještenika,
- za radni staž preko 30 godina, u visini deset neto plata državnog službenika odnosno namještenika.

IV - PLATE PRIPRAVNIKA I NAKNADE VOLONTERA

Član 40.

(Visina plate za pripravnike)

(1) Plata pripravnika visoke, više i srednje stručne spreme utvrđuje se u iznosu, i to

- za visoku školsku spremu u iznosu od 80% od početne osnovne plate utvrđene za radno mjesto stručnog saradnika
- za višu školsku spremu u iznosu od 80% od početne osnovne plate utvrđene za radno mjesto samostalnog referenta
- za srednju školsku spremu u iznosu od 80% od početne osnovne plate utvrđene za radno mjesto referenta

(2) Plata iz stava (1) ovog člana predstavlja dio osnovne plate, bez dijela plate koji se obračunava po osnovu penzijskog staža.

Član 41.

(Visina naknade za volontere)

(1) Volonteri visoke, više i srednje stručne spreme imaju pravo na naknadu, i to:

- za visoku školsku spremu u iznosu od 35% od osnovne plate stručnog saradnika
- za višu školsku spremu u iznosu od 35% od osnovne plate samostalnog referenta
- za srednju školsku spremu u iznosu od 35% od osnovne plate referenta

(2) Visina naknade iz stava (1) ovog člana određuje se od osnovne plate odgovarajuće školske spreme.

V - ZAVRŠNE ODREDBE

Član 42.

(Neposredna primjena Zakona i kolektivnog ugovora)

Na sva pitanja iz oblasti plata i naknada koja nisu regulisana ovom Odlukom, neposredno će se primjenjivati odredbe zakona i kolektivnog ugovora.

Član 43.

(Prestanak primjene propisa)

Stupanjem na snagu ove odluke prestaje da važi Odluka o platama i naknadama u organima Grada Sarajeva ("Službene novine Kantona Sarajevo", b. 9/16, 3/17 i 25/17)

Član 44.

(Izmjene i dopune Odluke)

Izmjene i dopune Odluke vrše se na način i po postupku za njeno donošenje.

Član 45.

(Ravnopravnost spolova)

Određbe ove Odluke odnose se podjednako na lica muškog i ženskog spola, bez obzira na rod imenice upotrijebljen u tekstu Odluke.

Član 46.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj:

Sarajevo, _____.____. 2017.g.

**PREDSJEDAVAJUĆI GRADSKOG VIJEĆA
GRADA SARAJEVA**

Igor dr. Gavrić

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 58., 60., 61. i 62. Zakona o platama i naknadama u organima vlasti Federacije Bosne i Hercegovine ("Službene novine Federacije BiH", br. 45/10, 111/12 i 20/17), kojim je, između ostalog propisan način obezbijedenja finansijskih sredstava za plate i naknade, tj. u budžetu Grada Sarajeva, način utvrđivanja osnovice za obračun plaće, da se koeficijenti i platni razredi uposlenih u organima vlasti kantona, općine i grada, utvrđuju zakonom o plaćama i naknadama uposlenih u organima vlasti kantona, odnosno odlukama gradskih i općinskih vijeća o plaćama i naknadama uposlenih u općinskim, odnosno gradskim organima vlasti, te način utvrđivanja osnovne plaće svakog uposlenika. Odredbom člana 60. navedenog Zakona utvrđeno je da će se zakonom o plaćama i naknadama uposlenih u organima vlasti kantona, odnosno odlukama gradskih i općinskih vijeća o plaćama i naknadama uposlenih u općinskim, odnosno gradskim organima vlasti, propisati i koeficijenti za izabrane dužnosnike, nositelje izvršnih funkcija i savjetnike u kantonalnim, gradskim i općinskim organima vlasti, s tim da se ne mogu utvrditi veći koeficijenti od koeficijenata utvrđenih za izabrane dužnosnike, nositelje izvršnih funkcija, savjetnike i uposlene u Federalnim organima. Pravni osnov također je sadržan i u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Gradsko vijeće Grada Sarajeva, na sjednici od 28.06.2017.g. donijelo je Odluku o organizaciji i djelokrugu organa uprave Grada Sarajeva. Navedenom Odlukom u skladu sa važećim zakonskim propisima, na drugačiji način organizovan je jedinstveni gradski organ uprave u kojem djeluju gradske službe za upravu kao gradski organi uprave, utvrđuje njihov djelokrug, rukovođenje i uređuju druga pitanja od značaja za njihovo organizovanje i funkcionisanje. Navedeno zahtjeva da se važeća Odluka o platama i naknadama u organima Grada Sarajeva ("Službene novine Kantona Sarajevo", br. 9/16, 3/17 i 25/17) uskladi sa odredbama donesene Odluke o organizaciji i djelokrugu organa uprave Grada Sarajeva poštujući odredbe Zakona o platama i naknadama u organima vlasti Federacije Bosne i Hercegovine.

Pored gore navedenog, razlog za donošenje nove Odluke o platama i naknadama u organima Grada Sarajeva je i taj što se ova odluka sa donošenjem izmjena i dopuna Zakona o platama i naknadama u organima vlasti Federacije Bosne i Hercegovine usklađivala sa navedenim izmjenama i dopunama dva puta. Ove izmjene i dopune su sada inkorporirane u novu odluku.

Obzirom na prednje izloženo Gradsko vijeće Grada Sarajeva donijelo je ovu odluku.

OBRAZLOŽENJE PREDLOŽENIH RJEŠENJA

U POGLAVLJU I - OSNOVNE ODREDBE u članu 1. do 9. propisano je sljedeće: predmet regulisanja, načela, budžetsko osiguranje sredstava za plate i naknade, način utvrđivanja osnovice za plate, elementi za utvrđivanje osnovne plate, koeficijenti za obračun plata, pravo na platu prema radnom mjestu, bruto i neto plata, isplata plata

U POGLAVLJU II - PLATE I NAKNADE FUNKCIONERA, SAVJETNIKA FUNKCIONERA I GRADSKIH VIJEĆNIKA U GRADU SARAJEVO u članu 10. do 19. propisano je sljedeće: radno pravni status funkcionera, ostvarivanje prava iz radnog odnosa, platni razredi i koeficijenti za plate funkcionera i savjetnika, naknade gradskim vijećnicima i članovima radnih tijela Gradskog vijeća, isplata naknada, umanjenje naknade zbog izostanka, pravo na naknade gradskim vijećnicima, pravo na naknade funkcionerima, nalogodavac za službeno putovanje, druga prava.

U POGLAVLJU III - PLATE I NAKNADE DRŽAVNIH SLUŽBENIKA I NAMJEŠTENIKA U ORGANIMA GRADA SARAJEVA u članu 20. do 39. propisano je sljedeće: platni razredi i koeficijenti za plate državnih službenika u organima Grada Sarajeva, platni razredi i koeficijenti za plate namještenika, vrste dodataka na platu, dodatak na platu po osnovu posebnih uslova rada, vrste naknada, naknada za prekovremeni

rad, rad u neradne dane, noćni rad i rad u dane državnih praznika, vrste naknada, naknada za ishranu tokom rada, naknada za prijevoz na posao i s posla, regres za godišnji odmor, naknada za službeno putovanje, naknada za bolovanje, naknada za slučaj povrede na radu, teške bolesti i invalidnosti, naknada za slučaj smrti i pravo na osiguranje od posljedica nesretnog slučaja, definicija člana uže porodice, naknada za porodijsko odsustvo, plaćeni dopust, naknada za rad u komisijama, otpremnina, naknada u slučaju prekobrojnosti.

U POGLAVLJU IV - PLATE PRIPRAVNIKA I NAKNADE VOLONTERA u članu 40. do 41. propisano je sljedeće: visina plate za pripravnike, visina naknade za volontere.

U POGLAVLJU V - ZAVRŠNE ODREDBE u članu 42. do 46. propisano je sljedeće: neposredna primjena Zakona i kolektivnog ugovora, prestanak primjene propisa, izmjene i dopune Odluke, ravnopravnost spolova i stupanje na snagu.

FINANSIJSKA SREDSTVA

Finansijska sredstva za realizaciju ove odluke obezbjeđuju se u budžetu Grada Sarajeva.

Član 2.
(Uspostava Registra)

- (1) Gradonačelnik svojom odlukom uspostavlja Registar budžetskih korisnika Grada Sarajeva koji se vodi u Gradskoj upravi, Službi za finansije.
- (2) Odluku o uspostavi i vođenju Registra Budžetskih korisnika Grada Sarajeva Gradonačelnik donosi u roku od 30 dana od dana stupanja na snagu ove Odluke i objavljuje je u "Službenim novinama Kantona Sarajevo".
- (3) Odlukom o uspostavi i vođenju Registra Budžetskih korisnika Grada Sarajeva koju donosi Gradonačelnik, utvrđuje se sadržaj Registra Budžetskih korisnika Grada Sarajeva i način vođenja Registra Budžetskih korisnika Grada Sarajeva, u skladu s ovom Odlukom i shodnom primjenom člana 3. Zakona o budžetima u Federaciji Bosne i Hercegovine, odnosno odgovarajućih odredbi propisa koje donosi Federalno ministarstvo finansija, a koje se odnose i na Grad Sarajevo.
- (4) Sastavni dio Odluke o uspostavi i vođenju Registra budžetskih korisnika postaje i Registar budžetskih korisnika Grada Sarajeva, utvrđen i objavljen u "Službenim novinama Kantona Sarajevo", najkasnije u maju mjesecu tekuće godine, a za sljedeću godinu.
- (5) Brisanje iz Registra budžetskih korisnika Grada Sarajeva, upis novog budžetskog korisnika i svaku drugu promjenu nastalu u Registru Budžetskih korisnika Grada Sarajeva, poslije njegovog objavljivanja u "Službenim novinama Kantona Sarajevo", Gradonačelnik objavljuje pri objavi Registra budžetskih korisnika Grada Sarajeva za narednu godinu.
- (6) Podaci iz Registra budžetskih korisnika Grada Sarajeva koji se ne objavljuju u "Službenim novinama Kantona Sarajevo", javni su i dostupni u Gradskoj upravi, Službi za finansije.

Član 3.
(Budžetski korisnici)

Budžetski korisnici budžeta Grada Sarajeva (u daljem tekstu: budžetski korisnici) su oni korisnici kod kojih su ispunjeni sljedeći uslovi:

- a) da je osnivač Gradsko vijeće,
- b) da je aktivnost, prema Standardnoj kvalifikaciji djelatnosti, dio aktivnosti za koje je odgovoran Grad Sarajevo po svom Statutu,
- c) da je za funkcionisanje aktivnosti, odnos između prihoda budžeta Grada Sarajeva i drugih izvora prihoda (vlastiti prihodi) više od 50% u korist prihoda iz budžeta, a da te aktivnosti predstavljaju javnu funkciju koja mora biti dio rada javnih institucija i da:
 - koriste kontni plan za budžete i budžetske korisnike,
 - su navedene u Registru.

Član 4.
(Prelazne odredbe)

Sastavni dio ove odluke je Registar budžetskih korisnika Grada Sarajeva.

Član 5.
(Završne odredbe)

Ova odluka stupa na snagu osmog dana od dana objave u "Službenim novinama Kantona Sarajevo".

Broj 01-02-2070/15
23. decembra 2015. godine

Predsjedavajući
Gradskog vijeća
Suljo Agić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08) i člana 60. Zakona o platama i naknadama u organima vlasti Federacije Bosne i Hercegovine ("Službene novine Federacije BiH", br. 45/10 i 111/12), Gradsko vijeće Grada Sarajeva, na sjednici održanoj 24.02.2016. godine, donijelo je

ODLUKU

**O PLATAMA I NAKNADAMA U ORGANIMA
GRADA SARAJEVA**

I - OSNOVNE ODREDBE

Član 1.
(Predmet reguliranja)

- (1) Ovom odlukom ureduju se: pravo, visina i uslovi za ostvarivanje novčane naknade za vršenje funkcije gradskog vijećnika i pravo na druge naknade za materijalne troškove koji nastanu u vršenju funkcije gradskog vijećnika, odnosno u vršenju dužnosti člana radnog tijela Gradskog vijeća za:
 - a. gradske vijećnike u Gradskom vijeću Grada Sarajeva (u daljnjem tekstu: Gradsko vijeće) za vrijeme vršenja vijećničke dužnosti;
 - b. članove Kolegija Gradskog vijeća;
 - c. članove radnih tijela Gradskog vijeća.
- (2) Ovom odlukom ureduju se i prava iz radnog odnosa, usklađuju se plate, platni razredi i koeficijenti za obračun plate sa Zakonom o platama i naknadama u organima vlasti Federacije Bosne i Hercegovine, druga novčana primanja i prava na naknade za materijalne troškove, te druga prava i naknade za:
 - a. funkcionere koje bira i imenuje Gradsko vijeće: Predsjedavajući Gradskog vijeća i zamjenici predsjedavajućeg Gradskog vijeća, Gradonačelnik i zamjenici gradonačelnika Grada Sarajeva, sekretar Gradskog vijeća, gradski pravobranilac i zamjenik gradskog pravobranioaca (u daljnjem tekstu: funkcioneri);
 - b. savjetnike koje imenuju funkcioneri (u daljnjem tekstu: savjetnici).
- (3) Ovom odlukom usklađuju se plate i naknade državnih službenika i namještenika u organima Grada Sarajeva i Pravobranilaštvu Grada Sarajeva u skladu sa Zakonom o platama i naknadama u organima vlasti Federacije Bosne i Hercegovine.
- (4) Ovom odlukom utvrđuje se nadležnost za donošenje Pravilnika o platama, naknadama i drugim materijalnim pravima u organima Grada Sarajeva i Pravobranilaštvu Grada Sarajeva.

Član 2.
(Načela)

Pri određivanju iznosa plata i naknada u organima Grada Sarajeva poštivaju se načela utvrđena Zakonom o platama i naknadama u organima vlasti Federacije Bosne i Hercegovine:

- (1) Ista plata za isto radno mjesto; prema ovom načelu zaposleni u organima vlasti koji obavljaju poslove istog radnog mjesta, odnosno iste ili slične poslove imaju pravo na istu osnovnu plaću po vrsti i stepenu stručne spreme.

Član 3.
(Budžetsko osiguranje sredstava za plate i naknade)

Finansijska sredstva za plate, naknade i druga primanja lica iz člana 1. Odluke, planiraju se i osiguravaju u budžetu Grada Sarajeva.

Član 4.
(Način utvrđivanja osnovice za obračun plate)

- (1) U organima državne službe se primjenjuje osnovica za obračun plate utvrđene članom 5. Zakona.
- (2) Gradonačelnik će u dogovoru sa sindikatom utvrditi osnovicu za obračun plate u skladu sa Zakonom.
- (3) Ukoliko se gradonačelnik i sindikat ne dogovore o visini osnovice, ranije dogovorena osnovica ostaje na snazi do dogovora gradonačelnika i sindikata, a najduže 90 dana.

Član 5.
(Elementi za utvrđivanje osnovne plate)

- (1) Osnovna plata utvrđuje se množenjem osnovice za platu sa utvrđenim koeficijentom platnog razreda i tako utvrđen iznos

- uvećava se za 0,5 za svaku započetu godinu penzijskog staža, a najviše do 20%.
- (2) Osnovna plata ne može biti manja od 70% prosječne neto plate isplaćene u Federaciji Bosne i Hercegovine prema posljednjem objavljenom statističkom podatku.
 - (3) U slučaju da množenjem utvrđene osnovice i pripadajućeg koeficijenta osnovna plata iznosi manje od 70% prosječne plate, zaposleniku će se isplatiti plata u navedenom postotku.
 - (4) Osnovna plata obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.
 - (5) Ukoliko zaposlenik radi s nepunim radnim vremenom, u skladu s posebnim zakonom ili drugim propisima, osnovna plata odredit će se srazmjerno vremenu provedenom na radu.
 - (6) Puno radno vrijeme zaposlenih je 40 sati sedmično.

Član 6.

(Koeficijenti za obračun plata)

- (1) O visini koeficijenata za obračun plata iz ove Odluke odlučuje Gradsko vijeće, na prijedlog Gradonačelnika i Administrativne komisije.
- (2) Administrativna komisija utvrđuje prijedlog koeficijenata za obračun plata i naknada za gradske vijećnike, radna tijela Gradskog vijeća, funkcionere i savjetnike funkcionera, te državne službenike i namještenike u Službi Gradskog vijeća, na prijedlog sekretara Gradskog vijeća, uz mišljenje Predsjedavajućeg Gradskog vijeća.

Član 7.

(Pravo na platu prema radnom mjestu)

Funkcioner, savjetnik, državni službenik i namještenik u organima Grada Sarajeva ima pravo na platu koja odgovara funkciji, odnosno radnom mjestu na koje je postavljen u skladu sa Zakonom, gradskim propisima i provedbenima aktima.

Član 8.

(Bruto i neto plata)

- (1) Plata se u organima Grada Sarajeva utvrđuje u bruto i neto iznosu.
- (2) Plata u bruto iznosu obuhvata neto platu, poreze i doprinose.
- (3) Iznos neto i bruto plate, kao i način obračuna plate, te redovne mjesečne naknade i odbici iz plate prikazuju se na mjesečnoj platnoj listi.

Član 9.

(Isplata plata)

- (1) Plata se obračunava za jedan mjesec unatrag, a isplaćuje za prethodni mjesec, u skladu sa važećim zakonom.
- (2) Plate iz stava 1. ovog člana, kao i svaka izmjena u visini plate, utvrđuje se rješenjem koja za državne službenike i namještenike uposlene u Službi Gradskog vijeća donosi sekretar Gradskog vijeća, za državne službenike i namještenike uposlene u Gradskoj upravi donosi Gradonačelnik, i Pravobranilac za uposlene u Pravobranilaštvu Grada Sarajeva.
- (3) Funkcioneri koji dužnost obavljaju profesionalno u skladu sa Statutom Grada Sarajeva i savjetnici, imaju pravo na platu.
- (4) Plata iz stava 1. ovog člana, kao i svaka izmjena u visini plate za funkcionere koji prava iz radnog odnosa ostvaruju u Službi Gradskog vijeća, te sekretara Gradskog vijeća, utvrđuje se rješenjem Administrativne komisije.
- (5) Plata iz stava 1. ovog člana, kao i svaka izmjena u visini plate za savjetnike Predsjedavajućeg Gradskog vijeća utvrđuje se rješenjem sekretara Gradskog vijeća, a za savjetnike Gradonačelnika rješenjem gradonačelnika.
- (6) Funkcioneri iz stava 3. ovog člana, pravo na platu ostvaruju stupanjem na dužnost, u skladu sa općim aktima Gradskog vijeća.
- (7) Gradonačelnik, pravo na platu ostvaruje danom imenovanja.
- (8) Savjetnici predsjedavajućeg Gradskog vijeća i Gradonačelnika, ostvaruju pravo na platu postavljanjem na radno mjesto.

- (9) Plata funkcionera koji dužnost obavlja profesionalno u skladu sa Statutom Grada Sarajeva, i savjetnika, kao i svaka izmjena u visini plate, utvrđuje se rješenjem.
- (10) Podaci o platama uposlenih u organima Grada Sarajeva su javni.

II - PLATE I NAKNADE FUNKCIONERA, SAVJETNIKA FUNKCIONERA I GRADSKIH VIJEĆNIKA U GRADU SARAJEVO

Član 10.

(Radno pravni status funkcionera)

- (1) Odluku o radno pravnom statusu Predsjedavajućeg Gradskog vijeća i zamjenika Predsjedavajućeg Gradskog vijeća donosi Gradsko vijeće na prijedlog Administrativne komisije, a na osnovu odluke Gradskog vijeća o izboru.

Član 11.

(Ostvarivanje prava iz radnog odnosa)

- (1) Funkcioneri, sekretar Gradskog vijeća i savjetnici prava iz radnog odnosa ostvaruju u organima Grada Sarajeva i to:
 - a) u Službi Gradskog vijeća: Predsjedavajući Gradskog vijeća i zamjenici Predsjedavajućeg Gradskog vijeća, sekretar Gradskog vijeća i savjetnici koje imenuje Predsjedavajući Gradskog vijeća;
 - b) u Gradskoj upravi: Gradonačelnik Grada Sarajeva, zamjenici Gradonačelnika Grada Sarajeva koji funkciju na koju su izabrani vrše profesionalno i savjetnici koje imenuje Gradonačelnik Grada Sarajeva.
 - c) u Pravobranilaštvu Grada Sarajeva: Pravobranilac Grada Sarajeva i zamjenik Pravobranilaca Grada Sarajeva.
- (2) Administrativna komisija Gradskog vijeća donosi rješenje o zasnivanju radnog odnosa na osnovu odluke o izboru i odluke o radno pravnom statusu i to:
 - a) na prijedlog sekretara Gradskog vijeća za: Predsjedavajućeg Gradskog vijeća, zamjenike Predsjedavajućeg Gradskog vijeća, sekretara Gradskog vijeća;
 - b) na prijedlog Gradonačelnika Grada Sarajeva za: Gradonačelnika Grada Sarajeva, zamjenike Gradonačelnika Grada Sarajeva, te
 - c) na prijedlog Pravobranilaca za: Pravobranilaca i zamjenika Pravobranilaca Grada Sarajeva.
- (3) Sekretar Gradskog vijeća donosi rješenje o zasnivanju radnog odnosa na osnovu odluke o imenovanju za savjetnika Predsjedavajućeg Gradskog vijeća, a Gradonačelnik za savjetnika Gradonačelnika.

Član 12.

(Platni razredi i koeficijenti za plate funkcionera i savjetnika)

Utvrđuju se sljedeći platni razredi i koeficijenti za plate funkcionera i savjetnika:

Platni razred	Radno mjesto	Koeficijent
I	Gradonačelnik	9,00
II	Predsjedavajući Gradskog vijeća	8,50
III	Zamjenici gradonačelnika, zamjenici Predsjedavajućeg Gradskog vijeća	8,00
IV	Gradski pravobranilac	7,20
V	Zamjenik gradskog pravobranilaca	6,50
VI	Savjetnik gradonačelnika, savjetnik Predsjedavajućeg Gradskog vijeća	6,00

Odjeljak A. Stalna mjesečna novčana primanja gradskih vijećnika

Član 13.

(Naknade gradskim vijećnicima i članovima radnih tijela Gradskog vijeća)

- (1) Vijećnicima u Gradskom vijeću, utvrđuje se pravo na mjesečnu naknadu za rad u Gradskom vijeću, kao i naknadu

- troškova, odnosno izgubljene zarade, tako što se osnovica za obračun plate, utvrđena u skladu sa Zakonom, množi sa koeficijentom 2.
- (2) Članovima Kolegija Gradskog vijeća utvrđuje se pravo na naknadu za rad u Kolegiju Gradskog vijeća, tako što se osnovica za obračun plate, utvrđena u skladu sa Zakonom, množi sa koeficijentom 0.30, i to za najviše dvije sjednice mjesečno.
 - (3) Članovima radnih tijela Gradskog vijeća, utvrđuje se pravo na naknadu, tako što se osnovica za obračun plate, utvrđena u skladu sa Zakonom, množi sa koeficijentom 0.30, i to za najviše dvije sjednice mjesečno po radnom tijelu.
 - (4) Članovima radnih tijela koji nisu gradski vijećnici pripada naknada iz stava 3. ovog člana ukoliko po pozivu prisustvuju sjednici Gradskog vijeća, a gradskom vijećniku koji je član radnog tijela ne pripada ova naknada.
 - (5) Član radnog tijela, odnosno Kolegija Gradskog vijeća, uz uredan poziv, ima pravo na naknadu kao u stavu 3. ovoga člana.
 - (6) Ukoliko gradski vijećnik ne ostvaruje po drugom osnovu, odgovarajuće socijalno osiguranje (zdravstveno i penziono), na njegov zahtjev i uz predočenu relevantnu dokumentaciju, tokom trajanja vijećničkog mandata ima pravo na ostvarivanje dobrovoljnog osiguranja putem uplata propisanih doprinosa iz sredstava Budžeta Grada Sarajeva.

Član 14.
(Isplata naknada)

Naknade iz člana 13. ove Odluke isplaćuju se mjesečno za prethodni mjesec, a na osnovu evidencije o prisustvu koju vodi Služba Gradskog vijeća.

Član 15.
(Umanjenje naknade zbog izostanka)

- (1) Član Kolegija Gradskog vijeća nema pravo na naknadu ukoliko izostane sa sjednice Kolegija Gradskog vijeća.
- (2) Član radnog tijela nema pravo na naknadu ukoliko izostane sa sjednice radnog tijela Gradskog vijeća.
- (3) Ukoliko, po osnovi pismenog ovlaštenja Kluba gradskog vijećnika, jedan gradski vijećnik mijenja drugoga u radu sjednice Kolegija Gradskog vijeća, odnosno u radu radnog tijela Gradskog vijeća, naknada pripada gradskom vijećniku koji prisustvuje sjednici Kolegija Gradskog vijeća, odnosno radnog tijela Gradskog vijeća.

Odjeljak B. Pravo na naknade gradskim vijećnicima, ostvarivanje prava, te druga prava funkcionera i savjetnika

Član 16.
(Pravo na naknade gradskim vijećnicima)

- (1) Gradski vijećnik, funkcioner, sekretar Gradskog vijeća i savjetnik ostvaruju pravo na naknadu materijalnih troškova koji proizilaze iz vršenja funkcije na koju su izabrani i pravo na naknadu troškova za službeno putovanje koji proizilaze iz vršenja funkcije na koju su izabrani ili se realizira na osnovu odluke Gradskog vijeća kojom su određeni članovi delegacije.
- (2) Visina naknade za troškove službenog putovanja, dnevnica, naknada za smještaj, naknada za troškove prijevoza i ostale vrste naknada za službeno putovanje za gradske vijećnike, funkcionere, za sekretara Gradskog vijeća i savjetnike, utvrđuju se na način kako je to utvrđeno za državne službenike u skladu sa važećim propisima u Federaciji Bosne i Hercegovine.
- (3) Funkcioner imenovan na funkciju u Gradskom vijeću ima pravo na prijevoz službenim putničkim automobilom.
- (4) Funkcioner imenovan na funkciju u Gradskom vijeću ima pravo na plaćene troškove službene komunikacije, informiranja, reprezentacije i druge troškove nastale iz vršenja dužnosti funkcionera imenovanog na funkciju u Gradskom vijeću.

- (5) Gradski vijećnik ima pravo na pomoć za potrebe liječenja u slučaju teške bolesti u skladu s Naredbom Federalnog ministarstva zdravstva o listi teških bolesti, odnosno teških tjelesnih povreda temeljem kojih se ostvaruje naknada za slučaj teške invalidnosti ili teške bolesti ("Službene novine Federacije BiH", broj 30/05), te u slučaju smrti gradskog vijećnika, odnosno člana porodičnog domaćinstva gradskog vijećnika i to kako slijedi.
 - a. U slučaju povrede na radu, teške bolesti ili invalidnosti gradskog vijećnika isplaćuje se jednokratna novčana pomoć, u visini od dvije prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.
 - b. Utvrđivanje nastanka teške bolesti ili invalidnosti u svakom konkretnom slučaju vrši Komisija za kvalifikaciju bolesti javne zdravstvene ustanove sa kojom postoji sporazum o pružanju ove usluge organima Grada Sarajeva.
 - c. Način i postupak ostvarivanja prava iz stava 1. i 2. ovog člana, vrši se na način kako je to pravilnikom o radnim odnosima, platama i naknadama, u skladu sa pozitivnim propisima utvrđeno za državne službenike i namještenike u Službi Gradskog vijeća Grada Sarajeva.

Član 17.
(Pravo na naknade funkcionerima)

- (1) Funkcionerima i savjetnicima pripada pravo na:
 - a. naknadu plate zbog bolesti ili povreda,
 - b. naknadu za troškove ishrane (topli obrok),
 - c. naknadu za godišnji odmor i plaćeni dopust,
 - d. naknadu za slučaj smrti, teške bolesti i invalidnosti,
 - e. otpremnina,
 - f. naknadu troškova za službeno putovanje,
 - g. naknadu za prijevoz na posao i s posla za funkcionere koji ne ostvaruju pravo na korištenje službenog putničkog automobila.
- (2) Naknade iz stava (1) ovog člana funkcioneri i savjetnici ostvaruju u skladu sa Zakonom o platama i naknadama u organima vlasti Federacije Bosne i Hercegovine ("Službene novine Federacije BiH", br. 45/10 i 111/12).

Član 18.
(Nalogodavac za službeno putovanje)

Nalogodavac za službeno putovanje je:

- a) sekretar Gradskog vijeća, uz saglasnost Predsjedavajućeg Gradskog vijeća za Predsjedavajućeg i zamjenike Predsjedavajućeg Gradskog vijeća, gradskog vijećnika, sekretara Gradskog vijeća i savjetnike Predsjedavajućeg Gradskog vijeća;
- b) gradonačelnik Grada Sarajeva za Gradonačelnika, zamjenika Gradonačelnika i savjetnike Gradonačelnika, te
- c) Administrativna komisija za Pravobranioca Grada Sarajeva, a Pravobranilac za zamjenika pravobranioca Grada Sarajeva.

Član 19.
(Druga prava)

- (1) Administrativna komisija Gradskog vijeća donosi akt kojim se bliže uređuje pravo i uslovi za korištenje prijevoza službenim putničkim automobilom za funkcionere, sekretara Gradskog vijeća, pravobranioca Grada Sarajeva i savjetnike.
- (2) Administrativna komisija Gradskog vijeća donosi akte kojima se uređuju prava funkcionera, sekretara Gradskog vijeća, Pravobranioca i zamjenika Pravobranioca Grada Sarajeva i savjetnika, na plaćene troškove službene komunikacije, informiranja i reprezentacije, kao i druga prava i naknade, kao što je i dodatak na platu po osnovu posebnih uslova za rad koji pripada sekretaru Gradskog vijeća kao rukovodiocu organa uprave zbog obima i složenosti poslova i stepena odgovornosti.

III - PLATE I NAKNADE DRŽAVNIH SLUŽBENIKA I NAMJEŠTENIKA U ORGANIMA GRADA SARAJEVA**Odjeljak A. Platni razredi i koeficijenti za plate državnih službenika i namještenika u organima Grada Sarajeva**

Član 20.

(Platni razredi i koeficijenti za plate državnih službenika u organima Grada Sarajeva)

Utvrđuju se sljedeći platni razredi i koeficijenti za plate državnih službenika Grada Sarajeva:

Platni razred	Radno mjesto	Koeficijent
I	- sekretar Gradskog vijeća - sekretar Gradske uprave	6,50
II	- pomoćnik Gradonačelnika	5,70
III	- direktor Zavoda za informatiku i telematiku Grada Sarajeva - interni revizor - glavni komunalni inspektor - stručni savjetnik u Pravobranilaštvu Grada Sarajeva	5,20
IV	- šef Kabineta Predsjedavajućeg i zamjenika Predsjedavajućeg Gradskog vijeća - šef Odjeljenja za stručne poslove u Službi Gradskog vijeća - šef Odjeljenja u Stručnoj službi gradonačelnika Grada Sarajeva	4,60
V	- šef Odsjeka	4,50
VI	- gradski inspektor	4,30
VII	- stručni savjetnik	4,10
VIII	- viši stručni saradnik	3,90
IX	- stručni saradnik	3,70

Član 21.

(Platni razredi i koeficijenti za plate namještenika)

Utvrđuju se sljedeći platni razredi i koeficijenti za plate namještenika Grada Sarajeva:

	Radno mjesto	Koeficijent
I	- viši samostalni referent (VŠS)	3,10
II	- šef unutrašnje organizacijske jedinice (SSS)	2,80
III	- viši referent (SSS) i VKV radnik	2,70
IV	- referent (SSS) i KV III i IV stepen	2,60

Odjeljak B. Dodaci na platu državnih službenika i namještenika

Član 22.

(Vrste dodataka na platu)

- (1) Državni službenik i namještenik ima pravo na dodatak na platu po osnovu posebnih uslova rada i po osnovu naknade za prekovremeni rad.
- (2) Dodatak na platu iz stava 1. ovog člana čini sastavni dio osnovne plate.

Član 23.

(Dodatak na platu po osnovu posebnih uslova rada)

- (1) Dodatak na platu po osnovu posebnih uslova rada pripada državnim službenicima koji obavljaju poslove inspektora i taj dodatak iznosi 20% do 30% od osnovne plate, što će se precizirati Pravilnikom.
- (2) Dodatak na platu za ostale poslove koji se vrše pod posebnim uslovima, određenim posebnim zakonom, može biti od 10% do 20%, što će se precizirati Pravilnikom.
- (3) Poseban dodatak iz stava 1. i 2. ovog člana obračunava se na osnovnu plaću bez dijela plate po osnovu radnog staža i čini sastavni dio plate.

- (4) Visina dodataka na platu po osnovu posebnih uslova rada iz stava 1. i 2. ovog člana utvrđuje se pravilnikom o radnim odnosima, platama i naknadama, u skladu sa kriterijima utvrđenim kolektivnim ugovorom.

Odjeljak C. Naknade državnih službenika i namještenika

Član 24.

(Vrste naknada)

Državni službenik i namještenik ima pravo na naknade utvrđene u odredbama člana 25. do 39. ove odluke.

Član 25.

(Naknada za prekovremeni rad, rad u neradne dane, noćni rad i rad u dane državnih praznika)

- (1) U slučaju prekovremenog rada, rada u neradne dane, noćnog rada ili rada u dane državnih praznika, državni službenik i namještenik ima pravo na naknadu osnovne plate, razmjerno vremenu trajanja tog rada, uvećanom za postotak utvrđen kolektivnim ugovorom.
- (2) Visina naknade i uslovi za ostvarivanje naknade utvrđuju se pravilnikom o radnim odnosima, platama i naknadama, u skladu sa kolektivnim ugovorom.
- (3) Obračun naknade iz stava 1. ovog člana, vrši se od osnovne plate, bez dijela plate po osnovu penzijskog staža. Naknada iz ovog člana čini sastavni dio plate.

Član 26.

(Vrste naknada)

Državni službenik i namještenik ima pravo na sljedeće naknade koje nemaju karakter plate:

- naknada za ishranu tokom rada - topli obrok;
- naknada za prijevoz na posao i s posla;
- naknada na ime korištenja godišnjeg odmora - regres;
- naknada za službeno putovanje;
- naknada za bolovanje;
- naknada za slučaj povrede na radu, teške bolesti i invalidnosti;
- naknada za slučaj smrti i pravo na osiguranje od posljedica nesretnog slučaja;
- naknada za porodijski dopust;
- plaćeni dopust;
- naknada za rad u komisijama koje se održavaju poslije isteka radnog vremena;
- otpremnina;
- naknada u slučaju prekobrojnosti.

Član 27.

(Naknada za ishranu tokom rada)

- (1) Državni službenik i namještenik ima pravo na novčanu naknadu za ishranu u toku rada (topli obrok), u visini 1% prosječne neto plate isplaćene u Federaciji Bosne i Hercegovine po zadnjem statističkom podatku.
- (2) Naknada iz stava 1. ovog člana neće se obračunavati za vrijeme odsutnosti s posla.

Član 28.

(Naknada za prijevoz na posao i s posla)

- (1) Državnom službeniku i namješteniku kome nije organizovan službeni prijevoz na posao i s posla, čije je mjesto stanovanja udaljeno najmanje 2 km od mjesta rada, pripada naknada za troškove prijevoza, u visini mjesečne karte gradskog, prigradskog i međugradskog saobraćaja.
- (2) U međugradski saobraćaj spadaju mjesta koja su udaljena od mjesta rada do 70 km.

Član 29.

(Regres za godišnji odmor)

- (1) Državni službenik i namještenik ima pravo na naknadu na ime regresa za korištenje godišnjeg odmora u visini 50% prosječne neto plate isplaćene u Federaciji Bosne i Hercegovine po zadnjem objavljenom statističkom podatku.

- (2) Pravo na regres iz stava 1. ovog člana ima svaki državni službenik i namještenik koji je u toku tekuće kalendarske godine ostvario pravo na godišnji odmor.

Član 30.

(Naknada za službeno putovanje)

- (1) Državni službenik i namještenik ima pravo na naknadu za troškove službenog putovanja na području Federacije Bosne i Hercegovine, odnosno Bosne i Hercegovine, kao i za putovanja u inostranstvo, na koje se upućuje radi obavljanja službenih poslova i zadataka.
- (2) Visina i način ostvarivanja naknade iz stava 1. ovog člana utvrđuje se pravilnikom o radnim odnosima, platama i naknadama, u skladu sa pozitivnim propisima i kolektivnim ugovorom.

Član 31.

(Naknada za bolovanje)

- (1) Državni službenik i namještenik ima pravo na naknadu plate za vrijeme privremene spriječenosti za rad (bolovanje) do 42 kalendarska dana u visini njegove neto plate isplaćene za prethodni mjesec.
- (2) Naknada plate za bolovanje preko 42 dana iz stava (1) ovog člana ostvaruje se po propisu Kantona Sarajevo kojim se uređuje naknada za ovo bolovanje, s tim da razliku do pune plate isplaćuje poslodavac.

Član 32.

(Naknada za slučaj povrede na radu, teške bolesti i invalidnosti)

- (1) U slučaju povrede na radu, teške bolesti ili invalidnosti državnog službenika i namještenika ili člana njegove uže porodice isplaćuje se jednokratna novčana pomoć, u visini od dvije prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.
- (2) Utvrđivanje nastanka teške bolesti ili invalidnosti u svakom konkretnom slučaju vrši Komisija za kvalifikaciju bolesti javne zdravstvene ustanove sa kojom postoji sporazum o pružanju ove usluge.
- (3) Način i postupak ostvarivanja prava iz stava 1. i 2. ovog člana, utvrđuje se pravilnikom o radnim odnosima, platama i naknadama, u skladu sa pozitivnim propisima.

Član 33.

(Naknada za slučaj smrti i pravo na osiguranje od posljedica nesretnog slučaja)

- (1) U slučaju smrti državnog službenika, odnosno namještenika njegovoj porodici se isplaćuju troškovi sahrane u visini od četiri prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.
- (2) Naknada iz stava 1. ovog člana isplaćuje se državom službeniku, odnosno namješteniku, i u slučaju smrti člana uže porodice državnog službenika ili namještenika.
- (3) Ukoliko u organima Grada Sarajeva rade dva ili više članova porodice, troškovi sahrane iz stava 1. ovog člana isplaćuju se samo jednom zaposlenom članu porodice.
- (4) Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa.
- (5) Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.
- (6) Ugovor o osiguranju sa odgovarajućom osiguravajućom kućom zaključuje gradonačelnik za sve državne službenike i namještenike zaposlene u Gradu Sarajevu, u skladu sa Kolektivnim ugovorom.

Član 34.

(Definicija člana uže porodice)

Članom uže porodice državnog službenika ili namještenika, u smislu čl. 32. i 33. ove odluke, smatraju se: braćni i vanbraćni drug ako žive u zajedničkom domaćinstvu, dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina odnosno do 26 godina starosti ako se

nalaze na redovnom školovanju i nisu u radnom odnosu, djeca nesposobna za rad bez obzira na starosnu dob), roditelji (otac, majka, oćuh, maćeha i usvojitelji) pod uslovom da žive u zajedničkom domaćinstvu sa državnim službenikom i namještenikom, braća i sestre bez roditelja do 18 odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uslovom da s njima žive u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.

Član 35.

(Naknada za porodijsko odsustvo)

Državni službenik i namještenik, za vrijeme porodijskog odsustva, ima pravo na naknadu plate prema propisima Kantona kojim se uređuje ova oblast, prema mjestu uplate doprinosa, s tim da se razlika do visine pune plate, kao i pripadajući porezi i doprinosi, isplaćuju iz Budžeta Grada Sarajeva.

Član 36.

(Plaćeni dopust)

- (1) Državni službenik i namještenik ima pravo na naknadu plate i to u visini svoje neto plate iz prethodnog mjeseca, za vrijeme korištenja plaćenog dopusta, koji traje do 30 dana.
- (2) Način i postupak ostvarivanja prava iz stava 1. ovog člana, utvrđuje se pravilnikom o radnim odnosima, platama i naknadama, u skladu sa pozitivnim propisima.

Član 37.

(Naknada za rad u komisijama)

- (1) Državni službenici i namještenici, kao članovi komisija koje se formiraju na osnovu rješenja rukovodioca organa uprave imaju pravo na maksimalnu mjesečnu naknadu za rad u komisijama, a čije osnivanje je predviđeno zakonom, i to do visine jedne i pol (1,5) osnovice iz člana 4. ove odluke, a koje se održavaju poslije isteka radnog vremena.
- (2) Visina naknade, iz stava 1. ovog člana, utvrđuje se rješenjem o formiranju komisije.

Član 38.

(Otpremnina)

Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plata isplaćenih u prethodnih pet mjeseci.

Član 39.

(Naknada u slučaju prekobrojnosti)

U slučaju prestanka radnog odnosa državnog službenika odnosno namještenika, zbog prekobrojnosti, taj državni službenik, odnosno namještenik, ima pravo na naknadu i to

- za radni staž do 10 godina, u visini tri neto plate državnog službenika odnosno namještenika,
- za radni staž od 11 do 30 godina, u visini šest neto plata državnog službenika odnosno namještenika,
- za radni staž preko 30 godina, u visini deset neto plata državnog službenika odnosno namještenika.

IV - PLATE PRIPRAVNIKA I NAKNADE VOLONTERA

Član 40.

(Visina plate za pripravnike)

- (1) Plata pripravnika visoke, više i srednje stručne spreme utvrđuje se u iznosu, i to
- za visoku školsku spremu u iznosu od 80% od početne osnovne plate utvrđene za radno mjesto stručnog saradnika
 - za višu školsku spremu u iznosu od 80% od početne osnovne plate utvrđene za radno mjesto samostalnog referenta
 - za srednju školsku spremu u iznosu od 80% od početne osnovne plate utvrđene za radno mjesto referenta

- (2) Plata iz stava 1. ovog člana predstavlja dio osnovne plate, bez dijela plate koji se obračunava po osnovu penzijskog staža.

Član 41.

(Visina naknade za volontere)

- (1) Volonteri visoke, više i srednje stručne spreme imaju pravo na naknadu, i to:
- za visoku školsku spremu u iznosu od 35% od osnovne plate stručnog saradnika
 - za višu školsku spremu u iznosu od 35% od osnovne plate samostalnog referenta
 - za srednju školsku spremu u iznosu od 35% od osnovne plate referenta
- (2) Visina naknade iz stava 1. ovog člana određuje se od osnovne plate odgovarajuće školske spreme.

V - ZAVRŠNE ODREDBE

Član 42.

(Obaveza usklađivanja propisa)

U skladu sa ovom odlukom, pravilnicima o unutrašnjoj organizaciji u Gradskoj upravi, Gradskom vijeću i Pravobranilaštvu Grada Sarajeva, zakonskim i drugim propisima, gradonačelnik Grada, sekretar Gradskog vijeća i Pravobranilac Grada Sarajeva će donijeti međusobno usklađene pravilnike o platama, naknadama i drugim materijalnim pravima državnih službenika i namještenika u Gradskoj upravi, Službi Gradskog vijeća i Pravobranilaštvu Grada Sarajeva.

Pravilnici iz stava 1. ovog člana donijet će se u roku od 60 dana od dana stupanja na snagu ove odluke.

Član 43

(Neposredna primjena Zakona i kolektivnog ugovora)

Za sva pitanja iz oblasti plata i naknada koja nisu regulisana ovom Odlukom, neposredno će se primjenjivati odredbe zakona i kolektivnog ugovora.

Član 44

(Prestanak primjene propisa)

Stupanjem na snagu ove odluke prestaje primjena: Odluke o utvrđivanju platnih razreda i koeficijenata za plate rukovodećih i

ostalih državnih službenika Gradske uprave Grada Sarajeva i Službe Gradskog vijeća Grada Sarajeva ("Službene novine Kantona Sarajevo", br. 3/05 i 35/06 i 4/09); Odluke o utvrđivanju platnih razreda i koeficijenata za plate namještenika organa Grada Sarajeva ("Službene novine Kantona Sarajevo", br. 15/06 i 4/09); Odluke o primanjima i drugim pravima vijećnika ("Službene novine Kantona Sarajevo", broj 39/05); Odluke o primanjima i drugim pravima funkcionera ("Službene novine Kantona Sarajevo", broj", 39/05); Odluke o koeficijentima za obračun plata nosioca funkcija Grada Sarajeva ("Službene novine Kantona Sarajevo", broj 3/05); Odluke o dopuni Odluke o koeficijentima za obračun plata nosioca funkcija Grada Sarajeva ("Službene novine Kantona Sarajevo", broj 35/06), kao i primjena odredaba Odluke o osnivanju Pravobranilaštva Grada Sarajeva ("Službene novine Kantona Sarajevo", broj 20/10, 30/15) koje se odnose na radno-pravni status pravobranioca i zamjenika pravobranioca Grada Sarajeva.

Član 45.

(Izmjene i dopune Odluke)

Izmjene i dopune Odluke vrše se na način i po postupku za njeno donošenje.

Član 46.

(Ravnopravnost spolova)

Odredbes ove Odluke odnose se podjednako na lica muškog i ženskog spola, bez obzira na rod imenice upotrijebljen u tekstu Odluke.

Član 47.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2016. godine.

Broj 01-02-384/16
24. februara 2016. godine

Predsjedavajući
Gradskog vijeća
Suljo Agić, s. r.

OPĆINA NOVO SARAJEVO

Općinski načelnik

Na osnovu člana 23. Odluke o izvršavanju budžeta Općine Novo Sarajevo za 2015. godinu ("Službene novine Kantona Sarajevo", broj 1/15) i člana 50. Statuta Općine Novo Sarajevo ("Službene novine Kantona Sarajevo", broj 35/10), Općinski načelnik donosi

ZAKLJUČAK

O OPRIHODOVANJU NAMJENSKI DOZNAČENIH
SREDSTAVA MINISTARSTVA KULTURE I SPORTA
KANTONA SARAJEVO

I

Ovim Zaključkom povećavaju se ukupni prihodi i primici, te rashodi i izdaci Budžeta Općine Novo Sarajevo za 2015. godinu u iznosu od **200.000,00 KM**, tako da ukupni prihodi i primici, i rashodi i izdaci Budžeta Općine Novo Sarajevo za 2015. godinu umjesto 27.756.000,00 KM iznose **27.956.000,00 KM**.

II

Prihodi Budžeta Općine Novo Sarajevo za 2015. godinu utvrđeni u tački I ovog Zaključka u iznosu od 200.000,00 KM su namjenski ostvareni prihodi na ekonomskom kodu 742114 - Namjenska sredstva Ministarstva kulture i sporta Kantona Sarajevo za izgradnju Sportske dvorane.

III

Sredstva iz tačke II ovog Zaključka raspoređuju se u posebnom dijelu Budžeta u okviru Programa prostornog planiranja i uređenja građevinskog zemljišta, na ekonomskom kodu 821200 - Namjenska sredstva Ministarstva kulture i sporta Kantona Sarajevo za izgradnju Sportske dvorane u iznosu od 200.000,00 KM.

IV

Realizacija sredstava iz tačke III ovog Zaključka vršiće se u skladu sa zaključenim Ugovorom o sufinansiranju izvođenja radova na izgradnji Sportske dvorane u ulici Zvornička broj bb, naš broj 02-14-2530/15.

V

Ovaj Zaključak čini sastavni dio Budžeta Općine Novo Sarajevo za 2015. godinu.

VI

Za realizaciju Zaključka zadužuje se Služba za oblast privrede i finansija.

VII

Ovaj Zaključak stupa na snagu danom donošenja i objaviće se u "Službenim novinama Kantona Sarajevo".

Broj 03-14-19/16
05. januara 2016. godine
Sarajevo

Općinski načelnik
Nedžad Koldžo, s. r.

ODLUKU**O PODIZANJU SPOMEN OBILJEŽJA ŠEHIDIMA I
POGINULIM BORCIMA OPĆINE STARI GRAD**

Član 1.

Podiže se spomen obilježje šehidima i poginulim borcima Općine Stari Grad Sarajevo (u daljem tekstu Spomenik), kao spomenik od značaja za Grad Sarajevo.

Član 2.

Spomenik se postavlja na lokaciji trga između ulice Bistrik i ulice Obala Isa-bega Ishakovića, a prema idejnom rješenju koje je sastavni dio podnesene inicijative.

Član 3.

Podnosilac inicijative za podizanje spomenika je Udruženje organizacije porodica šehida i poginulih boraca Stari Grad Sarajevo.

Podnosilac inicijative će preduzeti sve aktivnosti na pribavljanju potrebnih saglasnosti i odobrenja za podizanje spomenika.

Član 4.

Finansiranje postavljanja spomen obilježja vrši Podnosilac inicijative.

Član 5.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2078/16
28. decembra 2016. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 28.12.2016. godine, donijelo je

ODLUKU**O IZMJENI ODLUKE O RASPODJELI SREDSTAVA
BUDŽETA GRADA SARAJEVA PLANIRANIH ZA RAD
KLUBOVA GRADSKIH VIJEĆNIKA**

Član 1.

Odluka o raspodjeli sredstava Budžeta Grada Sarajeva planiranih za rad klubova gradskih vijećnika ("Službene novine Kantona Sarajevo", broj 32/13) mijenja se ovom Odlukom kako slijedi.

Član 2.

U članu 2. Odluke o raspodjeli sredstava Budžeta Grada Sarajeva planiranih za rad klubova gradskih vijećnika, stav 2. se mijenja i glasi: "Ukupna visina planiranih, odnosno realiziranih sredstava koja se raspoređuju ovom Odlukom ne može biti veća od 2% Budžeta Grada Sarajeva".

Član 3.

Ova Odluka stupa na snagu naredni dan od dana objavljivanja u "Službenim novinama Kantona Sarajevo".

Broj 01-02-2079/16
28. decembra 2016. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08) i člana 5. Odluke o uslovima i načinu dodjele "Šestoaprilske nagrade Grada Sarajeva" - Prečišćeni tekst ("Službene novine Kantona Sarajevo", broj 48/15, 27/16), Gradsko vijeće Grada Sarajeva, na sjednici održanoj 28.12.2016. godine, donijelo je

ODLUKU**O VISINI NOVČANOG IZNOSA "ŠESTOAPRILSKE
NAGRADE GRADA SARAJEVA" U 2017. GODINI**

Član 1.

Ovom Odlukom utvrđuje se visina novčanog iznosa "Šestoaprilske nagrade Grada Sarajeva" u 2017. godini.

Član 2.

Novčani iznos "Šestoaprilske nagrade Grada Sarajeva" u 2017. godini utvrđuje se u visini od 5.000,00 KM, s tim da se novčani iznos grupne "Šestoaprilske nagrade Grada Sarajeva" u 2017. godini, ravnopravno dijeli među članovima grupe koja je dobitnik "Šestoaprilske nagrade Grada Sarajeva" u 2017. godini.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2080/16
28. decembra 2016. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 45. Odluke o platama i naknadama u organima Grada Sarajeva ("Službene novine Kantona Sarajevo", broj 9/16), Gradsko vijeće Grada Sarajeva, na sjednici od 28.12.2016. godine, donijelo je

ODLUKU**O IZMJENAMA I DOPUNI ODLUKE O PLATAMA I
NAKNADAMA U ORGANIMA GRADA SARAJEVA**

Član 1.

Odluka o platama i naknadama u organima Grada Sarajeva ("Službene novine Kantona Sarajevo", broj 9/16), u daljem tekstu: Odluka o platama i naknadama, mijenja se i dopunjava kako je to uređeno ovom Odlukom.

Član 2.

U članu 4. Odluke o platama i naknadama (Način utvrđivanja osnovice za obračun plate) stav 2. mijenja se tako da se riječ: "dogovoru" zamjenjuje riječju: "pregovorima".

Član 3.

U članu 5. Odluke o platama i naknadama (Elementi za utvrđivanje osnovne plate) stav 1. mijenja se i glasi:

"Osnovna plata utvrđuje se množenjem osnovice za platu sa utvrđenim koeficijentom platnog razreda i tako utvrđen iznos uvećava se za 0,6 za svaku započetu godinu penzijskog staža, a najviše do 20%."

Član 4.

U članu 16. Odluke o platama i naknadama (Pravo na naknade gradskim vijećnicima) u stavu 5, u prethodnoj alineji, tekst "člana porodičnog domaćinstva" mijenja se i sada glasi: "člana uže porodice".

Član 5.

Član 21. Odluke o platama i naknadama (Platni razredi i koeficijenti za plate namještenika) dopunjuje se tako što se dodaje novi platni razred i koeficijent, i to:

Platni razred	Radno mjesto	Koeficijent
V	- pomoćni radnik i nekvalificirani radnik (NK radnik)	1,85

Član 6.

Član 34. Odluke o platama i naknadama (Definicija člana uže porodice) mijenja se i glasi:

"Članom uže porodice državnog službenika ili namještenika, u smislu čl. 32 i 33. ove Odluke smatraju se: bračni i vanbračni drug ako žive u zajedničkom domaćinstvu; dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina, odnosno, do 26 godina starosti ako se nalaze na redovnom školovanju i nisu u radnom odnosu, a djeca nesposobna za rad, bez obzira na starosnu dob); roditelji (otac, majka, očuh, maćeha i usvojitelji); braća i sestre bez roditelja do 18 godina, odnosno, do 26 godina starosti ako se nalaze na redovnom školovanju i nemaju drugih prihoda, već ih korisnik naknade stvarno izdržava, ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uslovom da s njima žive u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom."

Član 7.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2081/16
28. decembra 2016. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 13. stav 5. Zakona o javno - privatnom partnerstvu ("Službene novine Kantona Sarajevo", broj 27/11) i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na svojoj sjednici održanoj 28.12.2016. godine, donosi

ODLUKU

O DAVANJU SAGLASNOSTI NA ODLUKU
GRADONAČELNIKA O OPREDIJELJENOSTI
USPOSTAVLJANJA JPP

Član 1.

Daje se saglasnost na Odluku Gradonačelnika o opredijeljenosti uspostavljanja JPP na realizaciji Projekta "Projektovanje, izgradnja, upravljanje i održavanje hotela "Vidikovac" na Trebeviću", broj 01-05-7012/16 od 28.12.2016. godine.

Ovlašćuje se gradonačelnik da potpiše Odluku iz stava 1. ovog člana.

Član 2.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2085/16
28. decembra 2016. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), a u vezi sa članom 3. Odluke o utvrđivanju i obilježavanju Dana Grada Sarajeva ("Službene novine Kantona Sarajevo", broj 7/06), Gradsko vijeće Grada Sarajeva, na sjednici od 28.12.2016. godine, donijelo je

ODLUKU

O DAVANJU SAGLASNOSTI NA PROGRAM
OBILJEŽAVANJA 6. APRILA - DANA GRADA
SARAJEVA U 2017. GODINI

Član 1.

Ovom Odlukom Gradsko vijeće Grada Sarajeva daje saglasnost na Program obilježavanja 6. aprila - Dana Grada Sarajeva u 2017. godini, koji je sastavni dio ove Odluke.

Član 2.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2086/16
28. decembra 2016. godine
Sarajevo

Predsjedavajući
Gradskog vijeća
Suljo Agić, s. r.

PROGRAM OBILJEŽAVANJA
6. APRILA - DANA GRADA SARAJEVA
U 2017. GODINI

I POLAGANJE CVIJEĆA

09:00h	Vječna vatra
09:30h	Šehidsko mezarje "Kovači" <i>Mezar Prvog predsjednika R BiH, Alije Izetbegovića</i>
10:00h	Spomen obilježje ubijenoj djeci opkoljenoj Sarajeva 1992.-1995.
10:10h	Spomen obilježja ubijenih policajaca u Velikom parku
10:30h	Gradska groblja Lav, Sv. Josip, Sv. Marko i Mezarje Stadion (Koševo)
10:30h	Bista Vladimir Perić Valter
11:00h	Spomen park "Vraca"
11:00h	Staro Jevrejsko groblje
11:30h	Spomen obilježje na Trgu ZAVNOBiH-a

II SVEČANA SJEDNICA GRADSKOG VIJEĆA

III KULTURNE I SPORTSKE MANIFESTACIJE

- 1. ŠESTOAPRILSKA IZLOŽBA "COLLEGIUM ARTISTICUM"**
Datum: 06.04.2017. god.
Lokacija: Collegium Artisticum
Organizator: Udruženje likovnih umjetnika primijenjenih umjetnosti i dizajnera BiH
- 2. IZLOŽBA U POVODU 6. APRILA - DANA GRADA SARAJEVA**
Datum: 06.04.2017. god.
Lokacija: Historijski muzej BiH
Organizator: Historijski muzej BiH
- 3. VI SARAJEVO INTERNATIONAL GUITAR FESTIVAL**
Datum: 07.-10.04.2017. god.
Lokacija: po dogovoru
Organizator: Udruženje gitarista u Federaciji BiH
- 4. MEĐUNARODNI TURNIR ZA PIONIRE "BORDO OPEN SARAJEVO"**
Datum: 13.-16.04.2017. god.
Lokacija: Pomoćni tereni stadiona "Asim Ferhatović Hase", Koševo i Sportski kompleks FK Sarajevo u Butmiru
Organizator: Fudbalski klub "Sarajevo"
- 5. XI ŠESTOAPRILSKI TURNIR U HRVANJU "KUP GRADA SARAJEVA 2017."**
Datum: 05 i 06.04.2017. god.
Lokacija: Olimpijska dvorana "Juan Antonio Samarán"
Organizator: Hrvatski klub "Bosna"
- 6. X MEĐUNARODNI TURNIR U KOŠARCI U POVODU DANA GRADA**
Datum: 07.-09.04.2017. god.
Mjesto održavanja: Centar Skenderija (obje dvorane), Dvorana "Mirza Delibašić" i OŠ "Zajko Delić" Vogošća
Organizator: KK "Koš"
- 7. XVII MEĐUNARODNI PLIVAČKI MITING "SARAJEVU S LJUBAVLJU"**
Datum: 06.04.2017.
Lokacija: Olimpijski bazen "Otoka"
Organizator: Plivački klub "Bosna"

**ODLUKU
O PRERASPODJELI SREDSTAVA U BUDŽETU
KANTONA SARAJEVO ZA 2017. GODINU ZA
BUDŽETSKOG KORISNIKA JU OŠ "IZET ŠABIĆ"
HOTONJ**

1. Odobrava se preraspodjela sredstava u Budžetu Kantona Sarajevo za 2017. godinu u iznosu 3.000,00 KM u razdjelu 21020042 JU OŠ "Izet Šabić" Hotonj i to:

Raz.	Glava	Potr. jed.	Ekonom. kod	Sub-analitička	Funkcija	OPIS	Iznos
21	02	0042				OŠ "IZET ŠABIĆ" VOGOŠĆA	
						Na ekonomskog koda (budžetska sredstva)	
21	02	0042	613700		09H	Lidaci za tekuće održavanje	3.000,00
						Na ekonomskog koda (budžetska sredstva)	
21	02	0042	611227	1.BA.06.0	091F	Naknade u slučaju smrti i teže invalidnosti	2.980,00
21	02	0042	613800		091E	Isplati osiguranja, bankarskih usluga i usluga fin. prometa	20,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-9419/17
12. juna 2017. godine
Sarajevo

Ministar
Prof. dr. **Jasmin Halebić**, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16), po zahtjevu Stručne službe Vlade, Ministar finansija donosi slijedeću

**ODLUKU
O PRERASPODJELI SREDSTAVA U BUDŽETU
KANTONA SARAJEVO ZA 2017. GODINU ZA
BUDŽETSKOG KORISNIKA STRUČNA SLUŽBA
VLADE**

1. Odobrava se preraspodjela sredstava u Budžetu Kantona Sarajevo za 2017. godinu u iznosu 10.500,00 KM u razdjelu 11020001 Stručna služba Vlade i to:

Raz.	Glava	Potr. jed.	Ekonom. kod	Sub-analitička	Funkcija	OPIS	Iznos
11	02	0001				STRUČNA SLUŽBA VLADE KANTONA SARAJEVO	
						Na ekonomskog koda (budžetska sredstva)	
11	02	0001	613900		011F	Ugovorne i druge poslovne usluge	10.500,00
						Na ekonomskog koda (budžetska sredstva)	
11	02	0001	611227	BB.3/05	011F	Naknade u slučaju smrti i teže invalidnosti	10.500,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-21102/17
22. juna 2017. godine
Sarajevo

Ministar
Prof. dr. **Jasmin Halebić**, s. r.

GRAD SARAJEVO

Gradsko vijeće

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 31.05.2017. godine, donijelo je

**ODLUKU
O RAZRJEŠENJU ČLANOVA RADNIH TIJELA
GRADSKOG VIJEĆA GRADA SARAJEVA**

Član 1.

Razrješavaju se članovi stalnih radnih tijela Gradskog vijeća Grada Sarajeva kako slijedi:

- Vibor Handžić, razrješava se dužnosti člana Mandatno-imunitetske komisije;
- Barbara Peleš Stroil, razrješava se dužnosti člana Komisije za jednakopravnost spolova;
- Samir Fazlić, razrješava se dužnosti člana Odbora za javne službe, infrastrukturu i javni saobraćaj, i
- Nihad Uk, razrješava se dužnosti člana Administrativne komisije.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-958/17
31. maja 2017. godine

Predsjedavajući
Gradskog vijeća
Dr. **Igor Gavrić**, s. r.

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 31.05.2017. godine, donijelo je

ODLUKU

**O IZBORU ČLANOVA RADNIH TIJELA GRADSKOG
VIJEĆA GRADA SARAJEVA**

Član 1.

Biraju se članovi stalnih radnih tijela Gradskog vijeća Grada Sarajeva kako slijedi:

- Barbara Peleš Stroil, bira se na dužnost članice Mandatno-imunitetske komisije;
- Lejla Pašalić, bira se na dužnost članice Komisije za jednakopravnost spolova;
- Melča Đidelića, bira se na dužnost članice Odbora za javne službe, infrastrukturu i javni saobraćaj, i
- Samir Fazlić, bira se na dužnost člana Administrativne komisije.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-959/17
31. maja 2017. godine
Sarajevo

Predsjedavajući
Gradskog vijeća
Dr. **Igor Gavrić**, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), u skladu sa članom 45. Odluke o platama i naknadama u organima Grada Sarajeva ("Službene novine Kantona Sarajevo", broj 9/16 i 3/17), kao i u vezi sa članom 60. stav 1. i 63. Zakona o platama i naknadama u organima vlasti Federacije Bosne i Hercegovine ("Službene novine Federacije BiH", broj 45/10, 111/12 i 20/17), Gradsko vijeće Grada Sarajeva, na sjednici od 31.05.2017. godine, donosi

ODLUKU**O IZMJENI I DOPUNI ODLUKE O PLATAMA I
NAKNADAMA U ORGANIMA GRADA SARAJEVO**

Član 1.

U Odluci o platama i naknadama u organima Grada Sarajeva ("Službene novine Kantona Sarajevo", broj 9/16 i 3/17) član 4. mijenja se i glasi:

"Član 4.

(Način utvrđivanja osnovice za plate)

- (1) Osnovica za obračun plata utvrđuje se odlukom Gradskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.
- (2) Pored osnovice za obračun plata prilikom obračuna plate koristit će se i bod za obračun plate koji se utvrđuje odlukom Gradskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.
- (3) Utvrđivanje osnovice i bodova vrši se u pregovorima gradonačelnika sa sindikatom, a prije predlaganja, odnosno usvajanja odluke iz stava 1. ovoga člana.
- (4) Ukoliko se ne postigne dogovor iz stava 3. ovog člana, Gradsko vijeće će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće.
- (5) Prilikom utvrđivanja osnovice i boda za obračun plate iz st. (1) i (2) ovog člana uzet će se u obzir projekcije budžeta za narednu godinu, kao i kretanja GDP i indeksa potrošačkih cijena, a prema podacima Federalnog zavoda za statistiku.
- (5) Isplate mjesečnih novčanih primanja, izvršene u skladu sa odredbama ove odluke su definitivne i konačne."

Član 2.

U članu 5. (Elementi za utvrđivanje osnovne plate), u stavu 1. iza riječi "osnovice za platu", dodaju se riječi: "i boda za obračun plate".

U stavu 3. istog člana, iza riječi "utvrđene osnovice", dodaje se zarez i riječi: "boda za obračun plate".

Član 3.

U članu 15. (Umanjenje naknade zbog izostanka) dodaje se novi stav (4) koji glasi:

"Iznos mjesečne naknade za rad u Gradskom vijeću umanjuje se za 10% za neopravdano odsustvovanje sa sjednice Gradskog vijeća."

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-961/17
31. maja 2017. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 7. stav 1. i 2., a u vezi sa članom 28. Zakona o budžetima u Federaciji BiH ("Službene novine Federacije BiH", br. 102/13, 9/14, 13/14, 8/15 i 91/15) i člana 26. stav 1. tačka 2. i tačka 6. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 31.05.2017. godine, donosi

ODLUKU**O DOPUNI ODLUKE O IZVRŠAVANJU BUDŽETA
GRADA SARAJEVA ZA 2017. GODINU**

Član 1.

U Odluci o izvršavanju Budžeta Grada Sarajeva za 2017. godinu ("Službene novine Kantona Sarajevo", broj 3/17), u dijelu III IZVRŠAVANJE BUDŽETA, član 21. (Realizacija sredstava namijenjenih za kapitalne grantove), dopunjuje se tako da se na kraju teksta člana briše tačka, stavlja zarez i dodaje tekst, koji glasi: "kao i pojedinačnim ugovorima o sufinansiranju aktivnosti i tekućeg poslovanja privrednog društva EYOF 2019. d.o.o. u poslovima organizacije Europskog omladinskog festivala 2019.(EYOF 2019)."

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-963/17
31. maja 2017. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08), člana 28. Odluke o osnivanju Pravobranilaštva Grada Sarajeva ("Službene novine Kantona Sarajevo", br. 20/10, 35/10 i 12/17), te člana 108. Poslovnika Gradskog vijeća Grada Sarajeva ("Službene novine Kantona Sarajevo", broj 28/09), Gradsko vijeće Grada Sarajeva, na Četvrtoj sjednici održanoj dana 31.05.2017. godine, donosi

ODLUKU**O DAVANJU SAGLASNOSTI NA PRAVILNIK O
UNUTRAŠNJOJ ORGANIZACIJI
PRAVOBRANILAŠTVA GRADA SARAJEVO**

Član 1.

Daje se saglasnost na Pravilnik o unutrašnjoj organizaciji Pravobranilaštva Grada Sarajevo, broj 01-08-Gp-40/17 od 28.04.2017. godine.

Član 2.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-962/17
31. maja 2017. godine
Sarajevo

Predsjedavajući
Gradskog vijeća
Dr. Igor Gavrić, s. r.

OPĆINA ILIJAŠ**ODLUKU****O ODOBRAVANJU UPOTREBE SREDSTAVA
BUDŽETSKE REZERVE IZ BUDŽETA OPĆINE ILIJAŠ
ZA 2017. GODINU**

Član 1.

Odobravaju se novčana sredstva u iznosu od: 4.000,00 KM (četiri hiljade konvertibilnih maraka) na ime pomoći u sanaciji štete na višegodišnjim zasadima voća usljed uticaja niskih temperatura i pojave mraza vlasniku: Amira Bektić ul. Moševačka bb, općina Ilijaš.

Općinski načelnik

Na osnovu člana 29. Odluke o izvršenju Budžeta općine Ilijaš za 2017. godinu ("Službene novine Kantona Sarajevo", br. 3/17), a u skladu sa odredbama člana 3. Budžeta općine Ilijaš ("Službene novine Kantona Sarajevo", br. 3/17), te člana 107. Statuta općine Ilijaš, prečišćeni tekst ("Službene novine Kantona Sarajevo", broj 20/09), Općinski načelnik donosi

**SAMOSTALNI SINDIKAT DRŽAVNIH SLUŽBENIKA I NAMJEŠTENIKA U ORGANIMA
DRŽAVNE SLUŽBE, SUDSKOJ VLASTI I JAVNIM USTANOVAMA U FBiH
SINDIKALNA ORGANIZACIJA ORGANA GRADA SARAJEVA
SINDIKALNI ODBOR**

Broj: So-23/17
Sarajevo, 19.09.2017.g.

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO:	20-09-2017
Org. jed. broj	01-05-1464/17
Preporučeno	20

n/r g. Abdulah Skaka, gradonačelnik Grada Sarajeva

Predmet: Mišljenje na Prijedlog Odluke o platama i naknadama u organima Grada Sarajeva i Pravilnik o unutrašnjoj organizaciji i sistematizaciji radnih mjesta organa uprave Grada Sarajeva
Veza: Vaš akt, broj: 01-05-4434/17 od 08.09.2017.g.

Poštovani,

U vezi Vašeg akta, broj gornji, te u skladu sa članom 41. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj 23/17 – prečišćeni tekst), obavještavamo Vas o sljedećem:

Sindikalna organizacija organa Grada Sarajeva nema primjedbi na Prijedlog Odluke o platama i naknadama u organima Grada Sarajeva.

Takođe, dajemo generalnu saglasnost na Pravilnik o unutrašnjoj organizaciji i sistematizaciji radnih mjesta organa uprave Grada Sarajeva, uz sljedeće sugestije i primjedbe:

- U članu 7., u tački 4. u opisu poslova Stručnog savjetnika za normativno-pravne poslove navode se i poslovi vođenja upravnog rješavanja u prvom stepenu. Smatramo da je potrebno precizirati da li se radi o vođenju prvostepenog upravnog postupka isključivo u okviru poslova Službe za opću upravu i zajedničke poslove ili za potrebe svih Službi, izuzev Službe za inspeksijski nadzor. ✓
- U istom članu, u tački 11., u opisu poslova za Višeg stručnog saradnika za tehničko-operativne poslove, brisati riječi: „-posao Službe finansija“ (9. red teksta). ✓
- U istom članu, prilikom utvrđivanja radnih mjesta u Odsjeku za poslove pisarnice, sugerišemo da je potrebno utvrditi radno mjesto arhivara, u skladu sa pozitivnim propisima o arhiviranju i čuvanju predmeta i akata. ✓
- U članu 8. u tački 6., poslovi radnog mjesta Stručni saradnik za oblast lokalnog turizma i javno-privatnog partnerstva, određeni su kao „Složeniji“, što odgovara poslovima višeg stručnog saradnika, u skladu sa Uredbom o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, broj 39/16). Isto tako u u opisu poslova navode se poslovi (npr.izrada analiza i informacija, izrada propisa, izrada programa za razvoj itd.) koji su najslženiji studijsko analitički (i drugi) poslovi, a koje obavljaju stručni savjetnici, u skladu sa članom 8. navedene Uredbe. ✓
- U članu 8. u tački 8. u opisu poslova Višeg referenta za obradu podataka, navedeni su isti poslovi koju su opisani za radno mjesto Viši samostalni referent za opću upravu (član 7. tačka 9.), te bi iste trebalo preformulisati i prilagoditi stručnoj spremi i djelokrugu poslova Službe za lokalnu samoupravu i razvoj Grada.
- U istom članu, u tački 11. poslovi radnog mjesta Stručni saradnik za međunarodnu saradnju i europske integracije, određeni su kao „Složeni“, dok se u opisu navode poslovi (npr.izrada

izvještaja i informacija) koji su najsloženiji studijsko analitički poslovi i obavljaju ih stručni savjetnici, u skladu sa članom 8. Navedene Uredbe.

- U članu 11. kod više radnih mjesta državnih službenika, kao uslov za vršenje poslova navodi se i urbanistički fakultet. Sugerišemo da se navedeno briše, obzirom da se oblast urbanizma izučava na arhitektonskim fakultetima.
- U istom članu u tački 10. poslovi radnog mjesta Viši stručni saradnik za normativne poslove u oblasti komunalnih poslova, određeni su kao „Složeniji“, dok se u opisu navode poslovi (izrada nacрта i prijedloga odluka itd., izrada stručnih mišljenja, priprema ugovora) koji su najsloženiji normativno-pravni poslovi i obavljaju ih stručni savjetnici, u skladu sa članom 7. Navedene Uredbe.
- U istom članu u tački 11. poslovi radnog mjesta Stručni saradnik za energetska efikasnost određeni su kao „Složeniji“, što odgovara poslovima višeg stručnog saradnika, u skladu sa navedenom Uredbom. Isto tako u u opisu poslova navode se poslovi (npr. analiza i praćenje stanja energetske efikasnosti, analiza nacionalnog i evropskog legislativnog okvira, kreira prijedloge projekata i dr.), koji su najsloženiji studijsko analitički poslovi, a koje obavljaju stručni savjetnici, u skladu sa članom 8. navedene Uredbe.
- Nedostaje član 12.
- U članu 13. u tački 3. poslovi radnog mjesta Viši stručni saradnik za pravna pitanja, određeni su kao „Složeniji“, dok se u opisu navode poslovi (priprema nacрта i prijedloga odluka itd., priprema pravnih mišljenja) koji su najsloženiji normativno-pravni poslovi i obavljaju ih stručni savjetnici, u skladu sa članom 7. navedene Uredbe. Takođe i kod ostalih radnih mjesta državnih službenika, viših stručnih saradnika, u Službi za obrazovanje, kulturu, sport i mlade, potrebno je voditi računa da se u okviru tih radnih mjesta, za oblasti: obrazovanje, fizička kultura, kultura, sport, itd., vrše poslovi koji podrazumijevaju izradu analiza, informacija, programa i procjena i praćenja stanja u tim oblastima, te tako navedeni poslovi predstavljaju najsloženije studijsko-analitičke poslove koje vrše stručni savjetnici.
- U Službi za urbano planiranje, investicijske, stambene i komunalne poslove, kao i u Službi za obrazovanje, kulturu, sport i mlade, planirano je po jedno radno mjesto namještenika i to viši referent tehnički sekretar. Sugerišemo da se u navedenim službama planiraju dodatna radna mjesta za namještenike (za vršenje stručno-operativnih i administrativno-tehničkih poslova), obzirom da je u drugim službama utvrđeno po tri i više radnih mjesta za vršioce dopunskih poslova osnovne djelatnosti.
- U obrazloženju pravnog osnova navodi se odredba Zakona o principima lokalne samouprave, koja nije navedena u samom pravnom osnovu Pravilnika, dok je propušteno obrazloženje člana 52. stav 1. tačka 4. Zakona o organizaciji organa uprave u Federaciji Bosne i Hercegovine, koji predstavlja pravni osnov Pravilnika. Takođe nije obrazložena ni odredba člana 39. stav 1. tačka 2. Statuta Grada Sarajeva.

Na kraju, slobodni smo sugerisati da se prilikom kreiranja radnih mjesta, kao i raspisivanja konkursa za popunu upražnjenih radnih mjesta, vodi računa o uposlenicima koji su stekli visoku stručnu spremu i to školjući se iz sredstava Grada Sarajeva, te imaju pravo konkurisati na mjesta državnih službenika, u skladu sa Zakonom.

S poštovanjem,


Predsjednik Sindikalnog odbora
Džemal Krupalija

Dostaviti:

- Naslovu,
- a/a.